





僊居縣志卷之二十三

文苑

墓碑

宋

吳丞相芾神道碑

朱熹

淳熙十年夏六月龍圖閣直學士通奉大夫臨海郡  
開國公食邑二千四百戶致仕公吳公薨于台州僊  
居縣湖山私第之正寢訃聞天子憫焉詔有司以光  
祿大夫告其第如故事冬十月癸酉嗣子津等葬公  
石井中壘之原既畢事將考令式勒文螭首顯頌公





德傳之無窮乃相與謀使仲洪以公門生臨川太守  
陳侯狀來卽建安山中請其文于熹竊聞當紹興之  
季天子慨然有意收用者俊以遂中興之烈其所引  
授以爲諫議之官多得直諒敢言之士而公又偉然  
有聞于時者也竟以剛鯁不得盡行其志退而老于  
湖山之下者十餘年天下莫不高之而其所立之詳  
世猶有未悉聞幸今有碑以詔後世是筆所屬可非  
其人欲謝不能則又顧念往以使事過公里門公聞  
其來野服便輿出見邀于湖山之上延坐予飲論說  
平生俯仰感慨遂以身後爲託于時謂公特戲語耳  
不敢承亦不敢辭今雖極自知其不稱然昔既不及  
辭于公今又安得辭于公之子耶乃攷臨川之狀以  
次其事如左公諱芾字明可世爲僊居人大父贈武  
畧郎諱允昭始教子孫爲學而公與從兄詠謙遂取  
科第公幼莊重讀書刻苦至忘寢食登紹興二年進  
士第始爲樂清尉時私鹽禁嚴尉皆以失覺劾免公  
獨曰此貧民失業者吾忍以一身之病而愈感之耶  
大治學宮聚其秀民而教之調平江府錄事叅軍遷  
秘書政事秦檜與公有舊欲公附之而終不能得諷  
言者罷之檜死乃知處州未行丁外艱服除知常州



又改處州始至罷例錢捐丁絹以何浦荐除爲監察御史兩淮戰不利人情惴恐廷臣爭陳退避之計公獨奮然曰今日之事進爲上策退爲無策若誤聽此屬之言大事去矣上至建康公又言金陵自古帝王之宅宐速駐蹕以繫天下心高麗舶至明州願遣使入賀詔將許之公以無故有此不可許時朝廷上下因循公言欲求死節之士于倉卒之時不若進剛直之臣于閑暇之日去歲兩淮失守望風奔潰此秦檜塞言路推士氣之餘毒也反其道則見危授命者有人矣荐周摻陳良翰良祐爲御史皆以諫顯俄以集英殿修撰知婺州未入境先罷令之不任職者郡帑空乏公禁措克減征賦窒滲漏兩月而公私已告足矣金華長仙鄉民有十一家自定爲義役公宴十一人于平政堂而更其鄉曰循理里曰信義以爲勸改知紹興府宗室子弟橫行者公置之獄鏡湖自東漢時渚以溉田爲甚利中廢不治曾南豐佐郡時議行不果時歲大饑公爲民請賑并發米募民以爲役刻石湖上甚利之前浙被陷衛民唐琦罵賊而死公祠之以勸忠義除刑部侍郎不數月詔充兩浙西路安撫使大闡高思聰家僮殺人公殉于市宗戚私營佛



堂雜處民厘公盡撤之後知太平州一意撫摩常賦外毫無所取新樓城梁始溪安歷陽之民下詔褒美進徽猷閣學士充江南西路安撫使會歲大疫公澹豫章溝禁巫覡集郡醫分井治療民全活者衆自當塗及是凡六上章引閑不允至是始得太平祠官以歸公少負氣節早游太學人目爲豪建炎初宗澤守東都一日民傾南下哭失聲言宗公死矣公時客臨安嗚咽流涕爲詩哭之傳播郵亭讀者感泣識者早已奇之年七十有一乃以龍圖直學士致仕居于石井臨湖雜蒔花竹乃作景疏希白堂自號湖山居士酌酒賦詩翛然若無意于世者獨愛君憂國之心未嘗一日忘也薨年八十有八娶縉雲郭氏子男五人津判紹興洪浙東提舉沃鎮江軍節度判官洎永康丞深將仕郎女三人孫男二十八人有表奏五卷詩文三十卷和陶詩三卷藏于家是可銘也

郭安撫宗之墓碑

何澹

嘉泰四年十月晦故瓊筦安撫郭公卒于泉南市舶之官舍越明年葬于台州僊居縣蓮塘山之原其孤森卿等謁銘于澹辭不可則執筆以誌公公名晞宗字宗之上世有爲永安鎮都監者因家焉鎮後升縣



名僊居祖有隱德父仲珉爲承務郎致仕公幼穎異與兄從馳聲鄉里受經于陳公庸游從于吳公芾登戊戌進士第授處州松陽簿松陽賦籍不理吏椽爲姦公糾其弊民始樂輸部使者芮公輝循行寡言色獨器重公及知信陽軍信陽多曠土各以力自占公明約示俾各安業縣有紙坊由戶薑園漆林下及樵薪窰炭之稅公盡捐之吏曰以備州家不時之需恐自爲患公曰州知其無則不我須我亦可藉口矣滯訟數十悉裁以法縣序廢已久公曰信陽古申伯國遺風獨不可興起耶乃築宮百楹凡學之事備焉安陸兵將及密啟師樞王公蘭言信陽有沿淮山路十三所空植木斷塞師亟下其議公指陳利害曰淮水出桐柏山環縣二百里原淺可渡獨城北山延袤林翳居民出入實諸路總會之地可守者五其一則皇甫倜奏捷地也空倣三關置備內設三關表以五險則安陸之固且不置信陽于度外師是其議縣頃多盜先有土豪繫盜過信陽欲詐欺以佚盜曰是嘗匿汝乎盜然輒榜掠其人得金帛始釋公追捕寘于獄秩滿判處州悉力殫贊諸司以下榜訴一見盡得情索昏疾書明而卒歸于恕擢道州守春陵地褊民貧



公一意摩撫有元次山之風秋苗面斛之入舊制倍  
徙公議捐之吏交白不可公曰如吾心愧何民又以  
私釀被擾公許家自醞薄其征朞年政平訟理治行  
爲湘湖最以微疾乃丐祠除提舉福建市舶司泉守  
稱公清如冰玉居無何疾大作乃丐謝事遂拜瓊筮  
安撫之命將行病革呼郡吏戒以公事不及私年六  
十有九遠近聞之無不悲泣初娶顏氏繼室鄭氏五  
子森卿堯卿嘉卿磊卿皆登膺仕女四人進士陳瑛  
顧如川謝渠何處禮皆其婿也孫四人存中常爲漕  
荐誠中宐中自中皆以學行稱曾孫四人公卒之日  
澹適假守二山見公貌之不衰書禮往復見公筆力  
尙健方爲泉人勉留今生死隔矣嗚呼公乎其去而  
仙乎

張正諫墓誌銘

葉夢鼎

都諫文肅張公老成抗節臣也累朝嘉其忠悃眷注  
特隆且以椒戚媼聯追檢實歷于其沒也賜謚贈秩  
敕中書省遣使祭葬如禮卜嘉熙庚子十月吉窆公  
于后嶺之原暨今咸淳戊巳間再飾封塋其子克崙  
輩以朱學士德剛所爲狀丐銘于夢鼎夢鼎與公同  
鄉同志知公最悉曷辭公諱次賢字思齊別號竹坡



齊出天台亭頭徙僊居板橋再徙市橋唐中議大夫  
文伏卽公始徙祖也高大父止信中童科任浙幹官  
曾大父起邃隱德大父勇業儒名家稱浩然先生考  
禪以公貴累贈朝請大夫妣吳氏贈室人公生穎脫  
長益不羣博極諸子百家靡不得其要繁爲文下筆  
數千言頃刻立就譬之東注下流浩不可禦然英發  
豪邁之氣又能表<sub>匕</sub>自見早領省試入國學登紹熙  
癸丑進士第通判臨安府進拜監察御史御史職司  
糾劾務以搏摯爲能公獨侍講經筵多所啟沃首揭  
古今治亂之由國家修短之驗爲書二十卷名御鑑  
錄反覆陳說俾示朝堂且曰陛下不熟此將無以自  
立况爲天下君乎故事臺諫充經幄而近來日講者  
未免因循公毅然以儒術正君<sub>匕</sub>不倦又陳恢復  
三策動中机室中外傳爲石畫嘉泰中仍以右正言  
兼侍講滿考遷諫院左司諫正色敢言不避權倖力  
劾時相史彌遠章九上彌遠陰囑同僚止之公曰焉  
有言官反爲宰輔作說客耶併列其附勢不法狀彌  
遠啣之多方排擠而公素以忠直爲上知卒亦不罹  
其害披肝撫臆知無不言在廷方之爲殿上虎其風  
采可見週歷臺院幾二十年禠補朝廷良夥嘉定辛



未遷殿中侍都御史朝綱倚重將大用之故公力辭不允越五載始得家歸暫令展墓三月隨促還京使命絡驛無何而疾作遂以左朝請致仕迺戊寅五月一日卒于正寢距其生紹興乙亥二月十六日也享年六十有四朝命惜之贈中奉大夫謚文肅公公生平孝友處家庭各盡其道居官廉居鄉厚跡其操履人無不嘖々而艷慕者又能以文章節義啟後進卽猶子同甫擢殿元而不屑仕進蓋公有以風之所著詩文及奏牘講章凡十卷行于世配謝氏丞相深甫女于皇太后爲姑封夫人先公卒繼鄭氏侍郎雄飛女兒封碩人後公卒子男二長卽克耑謝出襲公廕任直秘閣錄事召對內殿欽賜進士出身次克嘉鄭出咸淳戊辰特科女一側室朱出適建安法事郎吳師旦孫男二 鳳紹宗皆足世其家公壙與謝夫人合賜命凡若干年今復以鄭碩人祔焉大興封塋工作嗚呼若公可謂死有餘榮久而弗替者惡可無銘銘曰吳山而東越水攸同歷千百年篤產今公立朝峻節矢心烈々凡厥忠貞卓哉殊絕載錫之親帝室聯姻優寵斯渥匪止及身拱木已久封丘是厚鐫茲芳銘永垂不朽



明

應方伯良墓誌

鄒守益

嘉靖己酉冬十二月十二日僊居南洲應公卒于正寢逾年以倭寇奔軼諸孤木等奉塋于南溪先塋之右甲寅木等以狀徵于林州守元倫丙辰門人景山李僉憲一瀚以銘告于守益守益與公登第同公宅繼母憂益侍先大夫疾其南歸同逾十二年今上紹統始北上其入史局同益下獄謫公杖關下其得罪同公叅廣西迂道訪山中握手道生平甚洽嘗約升天台訪公而遂成隔世矣謹披淚銘之以洩予哀應

氏徙僊居西山自諱翁之始曾大父文正大父宗儒以農爲業大母陳以節旌閭父慎齋翁昌讀書有孝行任分安縣典史有惠政鄉賢名宦並崇祀焉公諱良字元忠別號南洲聰睿不羣七歲喪母哀毀如成人就外傳博誦經史雖瘡甚粘于席罔廢業父憐之戒勿讀俟外出誦不輟且能通大意十三入郡庠自勵號舍中清淡不堪每至忠孝節義事輒憤激若身當之及成進士避逆瑾引疾歸比讀中秘書友甘泉陽明二先生既有得折節執弟子禮與四方豪傑倡學論政務見諸實功旣歸從游者日衆率隨才就之



鄭少谷自閩來訪與應石門黃久菴大雪聚講巾山顧東橋爲郡守作玉輝堂以紀其盛御史朱君節吳君華陳君察交薦之與呂涇野湛甘泉同剡慎齋翁促其行授編修得封父如其官而母許氏孫氏俱太孺人時大禮議起桂見山素厚公欲招爲助謝不往卒隨衆受杖瀕危困始甦奉冊封唐王及妃驢贈無所受中途兩告病不允尋聞父訃徒跣奔歸執禮謹甚服闋陞山東副使督學政時毀像沙汰之例行處之各得其方闡明師教以身爲率士心日悅以積勞成疾上疏乞休撫按暨銓部交留之至有德望老成

樹揭幟幟風厲一方之褒逾二年陞河南叅政尋調廣西以督糧餉察邊務爲職蓋有謗言矣公論量田賑荒諸事暨阻劄狼寨立打手營侃然自持至今惠流于民而權勢朋謀嗾之故雖陟廣東竟以罷軟歸辭給事中宗鑑上疏稱寃極論黨同伐異之蠹格于例不報公處之夷然立祠宇輯家譜以孝弟爲子姓先朔望宴享軒以成一家規尤不忘民瘼遇旱躬歷岩嶮祈禱多應歲凶力言郡邑奏荒賑恤鄉人賴之而無或干以私待宗族有恩以進士坊價買田三十畝分佃族之貧者而不收其稅公美鬚髯善談吐慷



慨超物表別時之忠佞若涇渭與人交傾竭肺腑竟  
日忘去聞一善必揚之後或負所聞不爲悔閒居小  
樓披閱古今或瞑目靜坐夜半或披衣索燭劇飲浩  
歌人以爲異而自得適如也年逾七十矣猶冒山谿  
拜誠意伯祠下爲贊以表夙志董郡守廉其食貧欲  
厚賙之飄然拒謝而歸其自奉簞衣糲食終其身不  
變所著述梓行有孝經正誤顏氏家訓海道經聞善  
錄闡微錄旌忠錄訂正魯齋遺書遜志齋集西山應  
氏家乘其詩文若干卷藏于家配張氏東郭翁琦之  
女察于諸生而歸之子男四本太學生先公歿次木  
材穀皆邑庠生克嗣公之志女三適太學生黃承道  
邑庠生朱崔顧義根孫男七煒炆燾燾默焯焯炆邑  
庠生女一尙幼景山蒞吾邑守已愛民不愧師友茲  
復篤于存沒惻比圖永懿行則公之敦學其有徵云

吳叅議廉墓表

吳遵

所貴士君子之顯于時也學有本原言必識大體重  
風節畧權勢平居能銷禍本以安社稷進退較然  
軌于道不媿阿隨世以就功名見幾而作若牛田吳  
公其庶幾哉吳公諱廉字介夫浙之僑居人其先世  
隱于農曾大父立遠好義活人稱長者大父文魁以



齒德賓于鄉父默齋公諱珪能行孝修其先人之業其所淵源遠矣始發于公爲貴顯公生而穎特七歲善大書見者驚異稍長以文學先諸生領正德丁卯浙江鄉薦卒業南雍交友四方名達學益蒸匕深造矣甲戌進士登朝以憂去免服授禮科給事中公爲給事敢言匕必持國家大體時郭武定張壽寧以勲戚當上意貴幸無比公首論二家驕蹇失儀翁匕負時譽詔巡視十二團營團營將卒多根抵權貴人悍迕非法公至風采凜然知憚矣適武廟巡行西北邊公偕同官泣留跪午門外三日諫曰陛下多狎游竊害大討卽夏太康本朝土木爲監不遠宐速返駕以安人心奠宗社時宮保大中丞王陳怙權爭進公論宐並斥而薦堪其代者林公俊王公守仁光祿馮卿抗語讐言官公又疏人臣不當肆言詆讟以傷國體正德末儲貳未建人懷異謀公旦夕憂心怦然會逆奄畢鎮守江西表宸濠孝行于朝冀名入太廟司香陰爲內應駁曰詔書會典例不得表游親藩豈宐黨翼阿私助王弗靖據禮封還事遂寢未幾濠果以叛誅駕旋返公又請郊天策士以追帝王盛節請罷江西鎮守中外稱便轉戶科右給事中今上嗣統首條



四事曰正君心開言路時經筵近儒臣奏上嘉納中  
官賴某蕭某者嬖倖臣也公請亟除奸惡疏不報蓋  
自是公直聲動朝廷而在事者多指目怒公矣已而  
公覈餉湘貴間二御史皆弗往公獨行釐正宿弊多  
所建白轉禮科左給事中于是忌公者愈益不能安  
公矣出公爲四川左叅議公按蜀甫基蠲害興利糾  
重臣之使蜀殃民者民賴以蘓其爲政主于恤民隱  
察吏治正紀綱明教化顧性獨耿介不能逐時好爲  
頰仰三疏乞歸雖當路合辭留之竟不可奪公歸築  
舍城北隅讀書詠歌灌蕪松菊意陶々樂也公孝友  
性成父疾不解帶奔母喪徒跣號泣以祿弗逮養持  
恨終其身平居自奉硤糲雖已貴不移其初遇弟昆  
姻故有窮乏者賙之唯恐弗逮同官戴司諫死于言  
公手殮之醵賻買田以恤其孤許游擊以事餽千金  
公正色斥去忠臣盧公迥鄭公恕幾沒已已公請建  
雙忠祠以勵頹俗此其敦倫尚行矯々風節未嘗以  
窮達勢利生死二其心也倭夷寇浙東僊居大被焚  
掠獨曰吳家清官不可動相戒以過公門卒無敢犯  
公者豈非忠信內積不外假銜飾欺人者哉蓋公自  
垂髫耻外驚屏居默坐學多自得故其言粹白簡明



一本于性情忠愛使當時能安其身于朝廷之上言聽志行得以悟君心斥邪惡其功業詎宐止是况武廟時國本尙疑人情洵匕使勲戚橫奄豎入羣奸陰拱于內強藩稱亂圖危社稷天下事未可知也公潛折奸萌一言重于九鼎彼有佞首脂韋毛舉以塞責視公不重有泚哉且其進必行道退必求志超然明哲之歸避遠機穽不至于名辱身危以死所謂介不終日者非耶制詞稱公建明國是糾正官非大司馬胡公叙其遺書亦曰黃髮清風鴻羽儀吉樂爲銘墓而亟稱焉公亦足以瞑已乃其嗣學博子龍復徵子言以表墓前之石子始志其大者耳厥配滕氏封孺人令德偕老合壙如右他日式公之墓低徊而不去者其尙于公有興起哉

李都憲一瀚墓表

隆慶元年三月初六日都察院左御史李公卒于會城之總府嗣子維林以公之喪歸吳時來往哭之失聲歸食不咽寢不帖也嗚呼若李公古所稱俊顧非耶公禔身簡潔而又以行引人乃逝耶今維林匍匐京師以狀聞故事在京從三品以上得祭壘其歷任淺乏行義希勞績者勿給公歷京兆方逾月陞都憲



未履任乃蒙諭祭一壇命有司治塋蓋朝廷公重行  
義亦異數云旣維林乞曰以孤之不肖幸邀惠于天  
子然而墓上之石則受命于先人其以屬之吳子知  
先人與知于先人宐莫如子願惠一言吳時來曰人  
亦有言蓋棺事定余所知也者幸考厥終于令先公  
可言完節矣顧知之也者未卜其果無辱令先公否  
因從而表公之行夫亦自礪也公諱一瀚字源甫號  
景山世爲僊居之十八都人曾祖良平祖震父鐸皆  
隱德不耀父以公貴贈雲南道監察御史公自幼端  
靜簡默不喜嬉戲與叔兄教諭公一潮年相及同學  
教諭公穎悟特達幼卽有異操公資稟稍讓不逮其  
父與鄉之長者莫不奇教諭公而意亦若不在公編  
修應公良獨以詣遠奇公爲其弟二女擇婿一以妻  
公一以妻林公應麒旣公與林皆先後登第人莫不  
服應之識鑒云公中嘉靖戊子浙江鄉試戊戌登進  
士第初選江西安福知縣公蒞之以廉而濟之以靜  
與民溫<sub>匕</sub>若家人父子而凜不可犯御史沈某者以  
迎候弗備怒之公弗<sub>懼</sub>及百計羅之弗能得然後稱  
之公弗喜沈嘆曰李知縣可謂寵辱勿驚矣當攢造  
安福貧民鬻產勢家不肯照丈推收公下令刻期一



一照丈豪右莫敢拒士夫優免另造一冊已免者勿再冒濫弊除東郭鄒公嘆曰審編一事推之治天下不難矣丁母憂服闋補江西道監察御史時北虜突入都城議者欲築外城命公度址公以築外城勞費勿支壞民家室坟墓無筭且天子守在四夷城郢之策正示之弱非計抗疏止之巡按山西風裁自持一以除弊政問民瘼爲已事其廉察下吏不採旁言民之所喜卽荐民之所惡卽劾沿邊諸郡民食土產小鹽甚便巡鹽御史請俱食池鹽公以邊郡崇山峻嶺鹽至彼五倍其價民困甚矣上疏力辨得寢邊都人

至今德之公爲御史大都法之所在雖權要不避以此當事憚之時阿諂成風相見俱行四拜四叩頭禮公厭之謁當道止行兩拜當道銜之復命止陞江西按察司僉事衆以公資望深不空外補公怡然安之及蒞任持法廉平民間有湖取菱茨蓮魚之利宗藩盡奪之公至判還民間南昌先有劉某者浚河數百丈可灌兩河田民利之爲立祠有勢家熊者奪其河爲田并毀其祠公大抑之通河水灌溉如舊地方多盜宵征夜遁公立法捕之盜遂息嚴相家雖在袁產業盡在南昌家人扈勢恣逞公悉裁之嚴相勢旣盛



又甚傾險立能生死人士夫以目或認爲乾兒或與其家僮結爲兄弟凡官江右鮮不免者其迂轉特速公獨與林僉事一新以耿槩自持皆五六年弗遷賚表至京師嚴曰李資深矣公曰猶有深瀚者同見者讓公故外耶公曰吾道其實耳凡見皆有餽多至數百公獨不久之陞山東布政司叅議早甚蝗發公親率民捕之數日蝗絕水發淹沒居房無慮數千家公乘小船躬往支分驗其輕重賑恤山東士夫不輸租縣令往七累縣里均賠梁編修紹儒爲最紹儒嚴相乾子也公查追急紹儒求解于嚴相嚴相曰李叅議豈可與言哉紹儒知勢不可亦輸其半以督兌赴京凡督兌在京餽遺盡取糧長悉傾產以充公盡革之陞井陘兵備一意爲地方除盜賊固塞垣爲務適軍士倍取月糧爭鬪而煩言遂興議調各省公亦飄然東歸弗自白其所以居家三年以衆望起補四川副使尋陞陝西叅政尋陞按察使王府與民訟田公斷還之民王城外渠民資灌溉王府築而有之一斷以法而王不敢動居一年陞山東右布政尋陞應天府尹踰月陞都察院左副都御史行至儀真疾作連疏乞休回至武陵遂不起吁嗟公沉抑仕途凡二十年



晚值先帝更化振板淹滯方駸也向用又幸今天子履極顯遂忠良注意大用公而公又不得盡行其志人耶天耶公平生平易簡默與之處恂也若無所能者至于是非利害之交屹不可動歸官無隱忌峭刻之文但不比于法無一毫依違監臨山西再多得士士亦以得出公門爲喜公歸蔬素之食補綴之衣惟乘一馬出入有寒士所不堪者而公處之自若節推蕭文清署邑事會倭寇焚劫後百計漁獵已陞嚴州同知而其虐益肆公故持盤格至東嶺餞之蕭次日行一邑稱慶自入仕未嘗以書干政府卽郡邑亦經年不造也必有關郡邑利害也故聞公之卒雖山林老穉亦莫不戚也悲者公生弘治乙丑八月二十日享年六十有三配應氏繼張氏皆先卒男三長維條先卒無嗣次維林次維禾俱縣學生皆能守公之教而繼其志今將卜墓于東村之原公之墓誌銘碑業已有某者爲之矣來獨述其所知如此倘公之意在余其大書有明都察院左都御史景山李公之墓

行狀

明

大司寇容菴應公行狀

陳函輝撰



應氏其先寧海梅林鄉人宋元祐間徙居僊居縣夏  
 閣鄉自宋至國朝世有令人為大諫縣令等官別有  
 傳至其祖巨生匡以學行著名庠序歲貢至京未受  
 官而卒匡生司寇公諱大猷長兄諱大經官學博次  
 諱大桂登嘉靖丙戌進士任知府公字邦陞別號容  
 菴少時與羣兒游每端坐寡言不妄嬉戲與諸兄弟  
 處怡然無所乖忤事長兄尤謹有君實事伯康風  
 母王氏係鎮江刺史王公諱存忠之女鎮江公子若  
 孫若外孫十餘輩獨眷愛公期以國器任鎮江時獨  
 携公往公時年十四鎮江公朝夕自訓誨至十八歲  
 歸家補弟子員二十一歲舉正德丁卯鄉薦與同年  
 王激許相卿同赴國子監講周程張朱之學二十八  
 歲舉正德甲戌進士未授官丁父艱徒跣扶櫬歸哀  
 毀三年動遵古禮服闋除刑部廣東司主事因欲迎  
 養母告願改南補南京刑部湖廣司主事時值宸濠  
 謀逆聲言經趨留都人心震動南京大司馬喬白岩  
 公諱宇者會九卿議曰今變故重大呼吸關社稷且  
 事起卒然機在斯須不及題請若循臆局則責在本  
 兵何辭但南方承平日久本兵官屬皆循資叙授非  
 慎選練達以膺大難者今欲投艱批患須于留都各



衙門內無拘職掌共推一人當之方保必濟于是九卿臺諫推公赴兵部計事喬公一切戰守事宜俱付之公也于是議嚴斥埃多訥諜以防奸細揀軍實振先聲以安人心急遣精兵守皖城以扼敵衝使不得進于是宸濠兵至皖城而挫竟就擒及敘功先公居兵部屬官右欽賞銀一十五兩值康陵南巡人莫敢諫公率同志者王萱田登王世文祝品張義等抗章叩行宮力諍康陵震怒幾致不測賴輔臣梁文康公委曲救解得免于難聖心漸悟不久回鑾矣隨因太夫人思家公欲扶持以行乃謁告回籍續補刑部山東司主事居無何喬公轉太宰每宣言于朝曰人才可濟艱難者無如應某于是調兵部職方司主事值文選司缺主事喬公欲以公補之司除者進曰凡入銓曹必先勲部漸移至選部序也若逕入選部則先入者有積薪之嘆喬公曰此異才也安用隨牒逕調文選司主事時大禮議起公率同志者數人伏闕號泣力諍忤旨庭杖六十幾絕復甦比釋歷陞稽勲驗封考功文選各員外稽勲郎中居銓司數任謝苞苴持法紀人不敢干以私然孤立行一意不肯詭隨當路有忌之者遂陞廣東叅政撫勦民裔恩威大著調



江西叅政考滿赴京至中途以太夫人衰年思欲終養乃以疾乞休銓部議留再乞得致仕比至家杜門謝事自侍養定省之外留心著述凡十二年兩京臺諫及觀風使者交章保薦起補江西叅政時有大猾侵官帑數萬依憑社鼠攤報平人賣產完官直指使者主其事被累數百家公以爲利歸大猾害貽平人力爲申理與直指議格卽拂衣歸衆察案皆直公所執相率勸留直指素負氣者亦自悟其舛且知公性不可撓以非遂寢攤報之事公方仍就任豫章有輔臣初歸聖眷尙隆輔臣私第中門常扃雖臺使方面謁見亦由側門入公行部至其地往訪輔臣見中門不開却立不前曰此非政府乃私第也我豈以行中書省而由人私第側門耶令左右開中門以入由是輔臣深卹之陞雲南右轄轉廣東左轄滇粵地俱產明珠文犀象齒寶石黃白等珍玩而藩帑尤貨財所聚公毫不染指行李自圖書之外無長物也往時藩司每遇聖壽元旦等節各官旣集朝服侍立龍亭前候直指將到方伯率衆官出門迎入公曰今日直指來爲慶賀非私交也况衣朝服不宐敘賓主禮衆已領之忽報直指至衆復徬徨無措竟出迎獨公與陸



舉之先生侍立龍亭前屹然不動慶賀畢方與直指相見陞僉都御史巡撫雲南勲臣世鎮滇南凡撫臣每先受其餌紀法不行恣其驕暴公至嚴持風紀絕其私交一切事必以禮法束之羣僚有犯必置之法罔貰由是勲臣踏匕不敢肆者數年陞副都御史巡撫四川值都蠻勿靖公勒兵出其不意直搗巢穴擒斬千餘級都蠻自是震讐不復跳梁公前在雲南得代時值大計後公于屬官不職者已疏十餘人罷斥及是復命例有舉劾公曰我上劾章適逾月耳若今尙有可劾是前疏匿也若無可劾而借無罪者以完事例我不爲于是舉賢能者數人無所糾劾言官以是詆公銓部覆留用而前豫章輔臣適起持柄竟擬閒住而考功郎中議留者亦外斥未幾輔臣以事敗公復以前都蠻功起補副都御史巡撫山東時嘉靖二十九年庚戌北兵圍京師甚急公議欲集兵勤王或云兵行勝負難期今寧奉有羽檄徵兵耶不若按兵以待勿行無咎公曰君父有難尙可觀望遂揀步騎三萬人援京師時各路兵集者十餘萬獨山東稱驍勁一遇輒挫遂夜遁陞吏部右侍郎先是吏部侍郎但擁虛銜諸所黜陟先事不聞臨事不議公曰我



以佐銓爲職而事不關白吾職安在且進退人才將使天下共知而與衆用舍之今僚友不與議其何以示天下公也于是銓曹事無大小必與冢宰協議苟未當雖冢宰力主之弗徇雖政府風旨弗徇由是與冢宰大忤政府每遇大拜免雖勉如公議然其中勿愉也陞刑部尙書嘉靖時詔獄頗繁讞獄者每以刻深自保公一主平恕曰吾但知守三尺法耳不知其他是時分宐用事攘斥異已有戶部郎中孫繪素以清慎名爲中貴所構送法司鞠問公力爲申救分宐嗾言官以是詆公得閒住旣歸家盡散其履官餘俸給宗族親戚耻言求田問舍事見人貧困每傾囊周恤雖家無擔石不憂也人有善行及美才必汲匕引誘成就如已有然惟恐其行之弗竟才之弗成也嘗謂孔孟相傳不在于書心體力行動遵聖賢成矩與郡人趙淵諸公相與講學不倦以名節相砥礪尤潛心易學老而益勤延致文學通易理者三四人朝夕與俱坐臥觀象玩辭久而洞徹義文闡奧著易說存疑行于世每喜吟咏然不爲纖麗語推敲必準盛唐靜重鮮交接有司欲見其一面不可得至于地方有大利害大曲直衆所譁言者公必言之侃匕無所隱



狗然賦性剛直面折不能容人之過故于俗子亦鮮  
借云隆慶元年萬曆二年有司上其行誼俱特旨存  
問萬曆七年又遣行人方萬山到家存問公生于成  
化丁未六月初八日子時卒于萬曆辛巳九月初六  
日子時享年九十五歲卒時有司以聞天子命官致  
祭遣中書趙景柱督造塋墓公男八長存初由舉人  
任湖廣麻城黃安知縣以廉能擢刑部主事次存性  
由進士任知府存修存畏俱生員存卓由進士任太  
常卿存素由明經任訓導以子封山西道御史存徵  
生員以詩賦草書著名存章生員孫世功光祿寺丞  
汝化進士歷仕至按察使朝卿進士官至侍御史

張禹門公行狀

孫震

公諱堂賞字崇懋禹門其別號也其先天台之亭頭  
人後唐大中大夫德昭公文伏始徙僊居邑西至趙  
宋子姓遂大繁衍正諫文肅公次賢一門祖孫父子  
昆弟叔侄相繼登第金貂聯蟬蔚然稱安州之望族  
洎我國朝人文尤盛如尙書郎亭玉公珽長史伯厚  
公鏗中書世昌公宗福行人世賢公宗頽少方伯圭  
山公儉立朝偉節照耀簡策他如治中縣尹以循良  
著績者蓋指不勝屈也公乃涇橋公之第四子涇橋



公諱奇爲當代巨儒天下無不知有涇橋先生其人者居養不仕善籌兵倭奴入寇郡伯譚公綸用其謀以取勝後譚公經畧三邊防禦得法亦涇橋公借箸力居多大父閱耕公糠仕授宣議郎除虞部主事曾大父北野公成德仕至饒州別駕所歷有聲公爲世家子嗜好如貧士于聲色勢炎淡如也性穎絕十歲讀經史各書悉遍十三乃翁携謁陽明子于姚江陽明子深器之曰是兒多慧道骨夙成弱冠邑大夫敦請與吳左都寤齋公纂修縣志筆削精核綱舉目張不詭于正寤齋公嘗自嘆不及也又與郡城李公邦燧著忠烈傳若干卷宗譜散失殫心繕輯之綜該簡瞻昭穆世系燦若指掌華而不浮大而非夸無祖狄梁之訛天下言譜學者必曰禹門張公焉爲人疎匕落匕以氣節高天下每雨夜挑燈讀史至荆聶諸傳輒號泣驚呼宿舄策匕起雲亦爲之停每作詩文若怒鵬驚濤駁雲駛電讀者目皆性至孝篤友于步趨皆有古法不尺寸移居鄉黨恂匕至大義所在則凭怒厲聲雖孟賁莫能奪喜交游聲氣所投千里命駕然非名流不與之俱無義丈夫以軒冕榮者公皆隸畜之人或以急難告傾貲與之捐身命赴之不顧也



嘗之楚登岳陽樓作洞庭夜月賦一時競相謔誦楚  
府聞而說之大張供具延公爲上座飲酒交錯歡若  
平生比告歸王贈以文綺金貝等物甚厚悉峻辭勿  
受公又樂以道誘掖後進孽匕勿之倦四方聞公名  
爭負笈從以不出其門爲耻通府尹遇齋贈詩有時  
當化雨施無吝筆掃波濤興轉濃之句蓋實錄也晚  
年築別業于城之西北隅顏曰泉斐軒貯古圖書詩  
画其中四圍翼以修竹數千竿雜置名花怪石焚香  
靜坐經營千秋之業求田問舍翁過之不與一言所  
著有英雄槩讀史閒評竹窻雜俎禹門文集行世大  
抵公之行已在隱現之間皆較然不欺其志如水中  
芙蓉灼然泥而不滓者也爲文以理主以氣輔體格  
駿匕秦漢間非近代所可及少試咸拔幟屢見別于  
棘闈終身不遇亦不之憾酷嗜佳山水足跡幾遍海  
內奇觀惟不果登廣武觀古戰場爲恨遙作詩吊之  
其氣勃匕如項羽破邯鄲時公生于嘉靖某年某月  
某日以萬曆某年某月某日考終娶夫人林氏評事  
臯之裔孫女知書稱克相生丈夫子二鍾斗鍾參能  
世其學皆以文顯人比之蘓轍山父子云

吳忠恪公行狀 四 十里 林一煥



僊居古稱安州七以西三十里許名厚仁吳延陵季子之裔諱全智者爲唐祭酒徙居焉以忠孝名家子孫繁衍族聚萬餘人宋時公卿將相多出其門科第甲于兩浙于今猶盛若左都御史贈太子少保謚忠恪悟齋公更所稱曼焉莫與爲京者也太夫人產公時最難甫三週太夫人竟以坼副故亡公初號寤齋蓋思太夫人產公之難而取莊公寤生之意也太封君率菴公以彥士文行名痛切太夫人誓不再娶公以此撫摩不周乳哺不足多瘠疾而得腹塊常能起伏爲公啁唧也公七歲丰神秀發穎悟過人經目輒成誦太封君置諸膝上教以對句對不二三卽能對格句族有駭公者見屏山野火呼公試之半塊火能燒千仞山公矢口對云一粒穀可種萬畝田族大奇之十歲能文每作未及終篇太封君卽袖而示人曰此吾兒之文續王唐矣衆皆奇公不無哂太封君之過褒也甫長赴縣試縣令况公一經得公卷擊節不容口首拔公仍携公卷與臨海劉公子興較首薦孰優劉公一覽稱神童不置二公相與而薦于郡守梧岡陳公堯與六邑合試公卷更奇絕梧岡公置諸六邑之首督學文谷孔公天引常空羣士獨于公卷嘖



噴稱此非人文第一流耶首公褒賞倍于人梧岡公  
夔公如子招而親督課之公寄館于臨海操江陳公  
家詢操江事甚悉友人嘲公少秀才究心操江事何  
迂乎公曰范老亦秀才耳操江行將爲吾事汝何尤  
也公業春秋聞雲谷陶公大順以春秋起家負笈往  
師之靜坐一室不出聲几上惟胡傳二卷陶公進視  
之怪無經意公云胡傳卽經意陶公悟知自家言皆  
糟粕也大器重公而公又無一資糧陶太夫人重公  
以子撫之迄今有通家之誼云時已酉科年別歸督  
學雷公夔而首公猶孔公也是科與叔見平公炳庶  
同舉于鄉公報獨遺太封君默<sub>匕</sub>坐于庭忽庭前有  
氣直冲于天其聲若雷其色若絢衆聚觀之慰太封  
君者美公留作狀頭之兆諷太封君者直謂率菴公  
怒氣耳頃報至方知公秉天地正氣卽于此時已充  
塞矣公時年二十餘尙未聘世家爭妻公<sub>匕</sub>從容却  
曰吾多病賴幕峯公調養至今且吾父老友也雖貧  
願聘之卽書諸齒錄衆皆愕然今封夫人尹氏卽幕  
峯公女也公備嘗險阻得夫人內助最多庚戌榜公  
以疾發不第歸什蕎卽登景星絕頂二年足不下山  
太封君携薪水探公<sub>匕</sub>出新作一部太封君喜甚入



視作文處四壁皆血痕太封君詰公曰作文時痰吐耳太封君大聲泣吾兒嘔出心肝矣卽要公歸亦當公計偕時也進謁縣令馬君濂馬君見平公同年也怪公投帖無年家意執公引計難公必能輸禮之也公毅然不待引携一老僕行馬君怒益甚索公叔父甚急當有解者以方今強附年諛借資取寵公獨不然未必非狄樞密意乎馬君竟坐公叔父罪公聞亦不顧舟至長蘆適梧岡公當蘆公潛舟而過追贈公十金離蘆未幾并舟而沒舟人急救得起公色不少變乃笑曰多此十金故沒舟耳亦不復見陳公抵

京與同年陳君綰楊君旦會文寺中忽有報者今日椒山楊公就刑矣公擲筆于地忠臣爲戮吾輩何文遂作本草直欲碎首階下爲楊公援復有報者楊公刑已畢矣公涕泣失聲衆亦泣謂吾不見楊公刑見公哀泣不能不動情也公勉強初場不欲復入吾台有達尊勸公天下事尙可爲公悟乃終場本房松坡畢公閱批公卷不看二三場幾失一名士矣衆益信公初場眞爲楊公事迫切于衷其無意于文非矯也徹闈公止一老僕又亡常自起火出則覓驢而行歸則終夜讀史不輟人以爲難什褐就松江司理單車



之任過某驛偶值星變題壁間云驛吏來言星可射  
我欲彎弧先射狼驛吏回言星可摘欲摘慧星清紫  
薇意蓋有所指也及蒞任務三復脫罪多所平反一  
切鉤鉅弗事也前邑人馬君父以重犯事過謁公  
曲爲處分馬君聞而大慙時當倭奴寇松甚急公奉  
按臺檄監軍攝城守城外士女多奔命入城有議鍵  
關止之公獨曰城外非吾民乎開關悉入與之居處  
濟之藥餌存活數萬人松人至今祀之寇猝至攻城  
西南隅驟雨城壞當事與守城者皆股慄公戒以死  
守齊以健弩當其衝詰朝公馳一騎出衆張膽隨之  
城立完寇知有人少却公度賊必遁走檇李密檄吳  
江令夾湖水出平望賊過阻水不得進隨以伏兵急  
擊之賊大敗斬首數千級餘皆溺水死故有王江涇  
沈家庄大捷皆公區畫所定也總臣張公移鎮境上  
親兵若干人延街奪掠強入民房公與郡守方公適  
過之人皆扳轅望救郡守不聞而去公厲言曰兵以  
衛民而反擾民焉用是兵擒之衆以公言擒兵二十  
餘公數其罪鞭之各數十兵以公狀白張公張公怒  
立庭牌提公見郡守以公能杖亦能見之復見  
直指君亦責公不更事如郡守言公退而閉館外



皆親兵蜂擁也公無畏卽具奏其事適張公以他事奉旨就擒矣郡守與直指君皆自愧不如也前張公在吳門犒諸路兵無策兵大鼓噪及至松撫臣周公屬公調停公不辭是時親兵之憾未什客兵之悍方張又兵動數萬餘無不爲公慮公恬不介意度兵歸路就于曠野中查各部伍以裹糧懸諸竿上并匕然布插道傍公惟執簿點名而已頃刻閒犒兵數萬餘撫按二公皆歎服以此勞兵卽孫吳不過也總督趙君文華聞公賢首薦公匕往謝叅拜間仰視趙君端坐不爲禮公不終拜而起趙君怒追轉薦章去公名而首某匕其某匕以首薦卽除臺垣有謂公能忍一時可終身富貴公云富貴可如此圖耶未幾趙君以事敗被薦者皆貶黜公獨縈然當道以此益重公大名拜刑科給事中時當沈公青霞諸子尙囚獄中相繼而亡僅留一子名襄逆蕃欲殲之公聞而瞿然曰今日之青霞卽昔日之椒山青霞不及矣得及其子吾願也卽以邊事劾督撫楊公順御史路公楷暨兵尙許公論以楊路二臣皆當年造害沈公者世宗閱公疏卽下二人獄二人皆柄臣羽翼也公剪其翼逆蕃必欲置之死地適琉球有差欲以此陷公匕謂男



兇死當葬魚腹中此何足辭第權奸不除何以報効  
朝廷卽上疏數蕃諸所不法狀世宗爲之動容留中  
三日不行蕃懼罄將金寶投諸井中公尙會飲刑郎  
家匕與蕃隣客聞効出自公驚怖一座遂空公謂衆  
無懼從容就飯易以布袍待罪去矣竟爲柄臣以飛  
語激怒世宗發錦衣訊所主使公始對以祖宗立言  
官爲國除奸此是主使錦衣怒再訊公復以孔子教  
人臣事君盡忠此是主使錦衣益怒盡取獄具徧訊  
之公又以天生人而植之忠義之性此是主使公方  
年二十七一日訊拷三百環立皆逆蕃人七孔流血  
手足兩股無完膚矣同杖者崔樓張公翀幼海董公  
傳策皆以公血塗其■見者酸鼻且無一親知惟鳳  
阿姜公饋以茶酒公得茶方甦次日再欲訊公世宗  
舉筆間地震筆墜呼公何人是能動地耶卽遣戍公  
得戍橫州行間蕭匕一纍囚耳姜公贈以路金撫公  
子而泣姜公亦以此外遷矣公抵橫澹然無怨尤意  
惟博極羣書更究心易傳識消息盈虛與義所著有  
橫槎集公族忽有報公不諱者太封君與公之外父  
涕泗而行至橫公無恙悅甚以跋涉過勞相繼卒于  
橫公扶太封君外父柩歸祔太封君子祖墓之側族



有力者阻之葬思敬山少息有揮使從橫來訛言拿公者族多逃公詰來使乃知直指黃君泮促公著伍公歎之可無驚吾族也卽起行至豐城風雨陡發舟楫顛危公起視之大桅徑折連公投諸水中飄流百餘里有漁人夢某處水口一網可得大鯉魚急行無緩覺奔夢所浪勢滾々若有大鯉魚狀一網得公漁人驚失網公復沉水而去漁人思昨夢得非天意乎復飛舟救之起公胸微有氣漁人以釜于公臍上求去水公方甦隨告以夢故得聞其詳漁人代爲覓一小航公再拜漁人而去至今公家不食鯉魚蓋爲此墜水時揮使謂公必死而公已先著伍矣使以公事白直指直指猶以失于散行責發之也公轉橫益無意人間事日與陸生談玄橫士以文就公匕藹然詳與究正士無遠近爭師事之今有吳公書館其見思不啻甘棠已也公成橫已十年我穆宗皇帝登極奉遺詔徵直臣首詔公授原職抵灣張相令門客某密迎公告以援引事公不然及入謁竟以言相矛盾別去張相復具書云我欲親炙賢者何賢者難于親炙若是耶風波自是日起矣且公敷陳時政指斥權奸如保太九劄安邊諸疏不投張相意適以兵務重任



議推大家宰不協張乘其隙卽轉公府丞蓋不欲復有所建白也時當聖天子謁陵百執事皆供應自府丞公奏裁革悉自齋裹內監錢糧例有羨餘進春應有分例銀兩公皆革之羣不悅春日公朝賀竣事間忽中貴人大呼公名蓋欲公上而廷辱之也張相促公上公毅然曰春事完矣朝班解矣此非天子命如何而上命治中上中貴人以不是公叱而下之公直出張相與諸卿皆失色舉手曰當機應變竝立風裁無如公者隨又乘中貴人意轉公操江僉都御史時南陵貴人李芳怙恃橫行公下車劾去之風紀肅然南俗尙奢侈公食不重味衣不用錦出入單騎如北餘莫敢有乘輿者操江原多家兵公裁革自己始江防水陸二兵陸兵抗悍難馭公悉去之年可省銀數萬餘淮陽等處應解給軍銀兩解戶冒險誨盜甚者亡身破家又不無展轉扣除公議隨各防守支給申報當年民無轉輸之危兵無冗濫之費官無扣除之嫌人皆謂操江弊革已盡不知公自做秀才時得諸故問而籌之熟也公在院二年適黃君泮知池州府事有弟黃池者在監受人金絲菓盒代投關節事露告院衆皆擬公必洩橫州之忿公詢知其爲黃君弟



且不欲累黃君竟以直待之黃君大慚謝馬君濂適任刑郎以物議當察慮不免于公而公亦不爲較得轉外守馬君且感且媿衆莫不嘆服公有雅量如此公于院中每夜註易至三鼓有勸公就睡者公曰人孰無外慕心讀易倦時一枕無夢矣且成橫時不了事也所註有易義識者謂易義一部真大學術也時高相在閒令游士樗朽持書說公求代爲掄揚不得高卿之未幾起相密訪公事無間轉廣東僉都御史隨降憲副以違限閒住公歸蕭然居無完屋止督耕瘠田數十畝葛巾布衣恂々一書生耳僊居山以外卽界縉雲自遭倭變兼以賦役繁苛民多逃匿地田半易山外民終逋負公戚々焉適年當編審公認自當里甲者三餘官戶皆照田三百當里一名田去戶存輩悉開除之山外業戶錢糧難于徵催多累賣主僧田雜編民戶民更受累公建議山外業戶與僧田另豎一畝縣里七十公以逃亡并去其十賦無重差戶有定籍民皆引領而歸矣編審者臨海令周公思稷而悉出公所定議僊民生祠周公而因思公之德不衰族不能葬者贈之山戚不舉火者助之粟及其自處又甚淡薄無一稱意恬居林下又一十八年當



道交章薦公張相冀得公通問書始起公有督撫山東者與公年諗知厚遣使達輔臣意公對使者云以書得官何如當年以婚固寵乎竟不與書彼知公不可奪而謂此老倔強猶昔也萬曆十四年今上鑒公忠誠有素詔起原職除通政使時值天壽山議國是靡定衆心危疑公從中處之休々然有古大臣風尋轉大理卿復轉刑吏二部侍郎乃拜御史大中丞在院三年奏督監司以責守令革侈僭以維頽風停金珠以昭德儉明律例以定法程革冗役以節民財裁倖進以裕國計陳利病以彌隱憂載在憲章剩稿中甚悉三載考成重荷聖恩褒封三世加賜羊酒花幣眷寵優渥公焚香浴身詣闕叩謝感激過情不無內傷遂得寒疾不起矣嗚呼哀哉公之不起其鞠躬盡瘁而後已乎其亦有先見乎煥去春入覲告歸領公教最詳有云國恩難報告老未得儻不生還願以弱子幼孫相託身後行狀并屬之口頌椒山公二言生平未報恩留與忠魂補感慨泣數行下煥亦泣而別續病倦復書寄弱體不支思歸如駛意在天姥山中所苦不可得已矣乎已矣乎前言願弗忘也未幾竟以哀訃煥涕淚橫流腑臟割裂適承今大中丞公梅



整先生大人兩促煥爲公狀公之靈得無意乎嗚呼  
哀哉公事至大煥何能爲公狀也大都上天篤生我  
公表七名世功業名位靡不共知而歷履艱辛或有  
遺知耿介忠直靡不共知而寬容宏受或有遺知正  
大光明靡不共知而纖悉曲盡或有遺知煥三十年  
屬公宇下真如家人父子然其平常親領公教與公  
之所爲行藏者備知之故不得不慟泣爲公狀求爲  
誌公以傳之于百世不朽也公諱時來字惟修生于  
嘉靖丁亥七年四月二十八日辰時登嘉靖癸丑進  
士卒于萬曆十八年五月初十日戌時由左都御史  
贈太子少保謚忠恪祖榮贊父炳臺皆贈加如公爵  
祖母王氏母王氏皆贈夫人配尹氏封夫人男錫岱  
以恩歷刑部郎中孫兆昆襲蔭爲國子生



以恩墨祗時中終此是變為國于主

詠母王刃母王刃皆韻夫人晒年刃挂夫人畏參出

韻太子少府論忠節師榮贊父兩臺昔韻成歌公韻

僊居縣志卷之二十四

文苑

申詳

國朝

額陳地方積困詳

順治十一年四月

章雲龍

竊照台之所屬六邑惟僊居最瘠最疲僊居轄四十  
五里歷數年奇亂奇荒界縣領事不及一月告緩徵  
告蠲免并告逃亡者一日數見矣昔之流民圖賑饑  
表較此亦畧無異同耳他不敢具論始舉其連歲荒  
亂之狀謹披瀝為憲臺陳之夫僊居自舊春會勦



山寇兵馬雲屯六閱月民之積粟已盡畏餓糧詎四月天雹降災二麥絕望六月驕陽爲虐禾黍皆枯九月嚴霜先隕雜種盡凋繼此而永康縉雲東陽義烏之山寇流毒隣封劫殺靡寧人心風鶴相率轉徙以阡陌平疇竟成藜棘鄉閭里巷鞠爲茂草雖蒙

**題**請十分之災奉蠲三分之 旨而民生終迫 國課

仍逋此僭民之苦已如此矣及今正台城兵變上而永縉下而羅城崖逆賊因之狡焉啓疆擄掠民財草菅民命各里各鄉屠毒慘寃入于骨髓僅此子遺登二鬴以不足嗟半菽之無餘有死之心無生之樂此僭居之苦又如此矣嗟斯民也兩歲之中災連禍結是天之重困此一方曾不顧恤者而軫救之術又不亟講恐鳩形鵠面之人不盡化爲豺狼不止乃今軍興孔亟打造戰船則有三隻半之派供應兵馬則有月四日之輸此外百爾所需更屬急務凡在 上臺澤 國愛民繫念更切但處萬不得已之時有必不可省之事未僚下吏敢不夙夜匪懈仰佐 軍國之需紓 上臺宵旰之勞每逢比較閱案頭戶籍分明鬼籙一部點堦前里遞何異流民一圖環庭泣訴請得緩死須臾此際卽心如銖石見其蹙額哀鳴未有



不停刑掩淚者以是催科之法無處着手比較之期輒令酸心抑更有說者儒居名設四十五里在承平時較天台三十餘里幅員尙不及半今四十五里之中又半屬荒殘凡所諸派亦當與天台稍有差等此界縣所以早夜思維急從民生起見不禁喋喋冒陳伏懇俯念哀鴻頽尾大渙金批作何軫恤庶民力稍蘓而末吏奉職有路矣

奉

巡撫浙江都察院秦

批據詳儒居荒殘仰台

兵道加意撫恤作何賑濟速報又奉

按浙江監察御史葉

批仰台兵道查議報

各到道行府併行到縣

條議蠲恤詳

順治十一年五月

章雲龍

伏照儒邑山陬瘠壤十年來荒亂游臻黔黎倒懸之苦兩浙中屈指無二前詳哀籲止就界縣初任時所目擊者言之後此羅城崖寇氛方熾景星岩逆賊又猖一縣之域寸土無寧且今歲秋成人民畏賊收割違時復多爛沒更兼經年用兵所札之地不無騷擾嗟此殘黎骨肉摧殘矣田畝拋荒矣房屋焚燬矣日則食草茹糠夜則披風宿露既囂然喪樂生之心復



拮据急輸將之苦愈見水火益其深熱而瘡痍尤不能起矣今奉

撫

兩臺批行查議并云加意撫恤作

何賑濟竊思賑濟之策殊難于散粟施金使之家饒戶足惟是以撫恤行之則賑濟亦寓焉但撫恤一端非得特具題請大賜蠲救使殘民從此邀恩豁之餘生尚可望輸將于後日不然恐追呼並急民生益迫非散而之四方版籍一空卽挺然走險伏莽難靖徒此空虛城郭設官何用是不得不斗膽妄議臚陳三款仰干憲聽一荒廢所宜暫除也僊邑額編四十五里自戊子歲荒亂以來逐年消耗迆絕者二十二都計額條銀八千五百有奇無一人民可問已經具詳撫憲行道委本府糧廳踏勘造冊回覆在案今乞速賜題請暫除俟地方寧靖畀縣多方招民開墾仍照屯田例成熟三年後起科納課一舊欠所宜盡蠲也僊邑自八年起至十二年止積欠各項錢糧不但荒廢之都無可以徵卽有民有土者見年錢何況于積逋之賦豈能並徵請乞槩賜題蠲俾此子黎寬得一分拮据卽全得一時性命一漕運月糧所宜覆舊也僊邑原額秋米三千七百石零于十一



年裁扣充餉止存一千五百石解給各營官兵忽有  
十二年復額米七百三十餘石改作漕運月糧惟是  
僑邑僻處萬山一線溪流又無舟楫可通里遞輸解  
必須募夫陸運甚爲困苦請乞將漕米七百餘石仍  
歸充餉否則開除荒廢酌減其半折價解納庶民力  
蘓而漕可不誤以上三款皆關切民生懇乞 憲臺  
爲僑邑存此一綫命脉爲 朝廷培此一塊土地亟  
賜允行

顓陳里遞疲困供應難支詳

順治十一年

章雲龍

竊照僑邑十坊四十五都內有二十二都數年來人  
絕田荒糧虛賦逋者前已具請踏蠲外其餘供役之  
坊都又爲諸賊縱橫而驚竄者十有其三苦差徭之  
煩而逃徙者十有其二他如禾黍成熟畏賊不敢收  
割以致朽爛田疇 國課無出于是民生日見其蹙  
惟呼日見其難界縣每限極力徵比善勸之不得又  
加之以嚴刑雖唇焦杖折不過三四百金今駐台滿  
師供應月值一輪一輪之需以所徵之銀僅敷其用  
尚間有不足是欲求供應之無缺而解司解府之京  
餉兵餉則不能應欲應解司解府之京餉兵餉而供



應則又有缺財賦之匱詘如此時勢之艱難如此豈能無顧此失彼之嗟乎昨八月供應界縣僉解里役四人各備稻穀五十石解納餘數折銀意謂此中那移以應 司府之呼詎滿營極其刁指不肯收穀而必欲全折銀兩里役再三哀懇然後允收以五十石之穀止量二十九石其五十石之欠數又不欲補穀必欲補銀嗟匕僭邑何邑也僭民何民也以今日極疲之地垂死之民萬分勉力竣此一番供應不啻剜肉削骨且每輪正供之外旁費輒計五六十金而里役當之賣妻鬻子茹苦吞怨豈堪以正供之內者復累其賠補今而後又不收解穀而解銀矣解銀則京兵二餉又無分毫解 司解府矣伏懇垂念殘疆破格恩恤嗣後供應以各縣兩輪之中界縣承值一輪度省一輪之錢糧分解京兵二餉若必照各縣輪值乞 鼎言于滿師准改穀銀相半其穀須平量公兌萬一不蒙開免又不允收穀界縣實力不能支且勿論京兵二餉毫無起解卽供應亦必有缺誤之虞其時雖鎖拏經承叅處界縣寃是無益然界縣亦惟有席藁待罪而已

願請緩徵減派詳

順治十一年

章雲龍



竊惟一朝廷之正供出于民也間之賦役出于土今  
僊民之逃亡過半矣田土之荒蕪過半矣界縣催科  
止可就僅存之殘黎而問之他如戶絕田荒者不能  
起白骨于黃泉責輸將于秦莽歷查僊邑錢糧在昔  
承平時每年止完六七分矧當此寇氛猖獗家戶驚  
悸斯亦救死不贍之時萬不能強之以剜肉醫瘡捫  
思錢糧完欠關係歲終考成稽覈叅罰功令霜嚴  
誰敢以身試莫測界縣雖才同窳質歷半生攻苦甫  
邀一命之榮寧不知猛力進步豈甘束手罷徵棄功  
名如敝屣惟是僊邑之困疲叠遭歲凶寇亂自戊子  
始迄九年于茲民命顛連感心靡騁而膏血已盡僅  
存皮骨其何以急公家之用每當軍需旁午羽檄頻  
催界縣雖有韓滉劉晏之心勢不能左畫方而右畫  
圓惟仰屋興嗟跼蹐無地計無復之只得嚴限徵比  
以鳩形鵠面之人終不忍痛心鞭朴倘一立法過峻  
盡驅民于走險甚致版圖一空則錢糧竟不可問矣  
是以展轉思維欲蘓目前之困莫如用一緩二之徵  
故不避斧鉞仰懇俯念殘疆積苦凡一切錢糧軍需  
較不疲之縣酌減其半庶上不苦于徵下不困于民  
至欲輸科如額當俟之寇賊消弭之後僊民汜可小



康數年生聚數年培養方可與諸縣同日而語也若  
此時事<sub>七</sub>與諸縣相等督責求全雖月廢一官日斃  
千人究于<sub>八</sub>國用無補徒煩<sub>九</sub>憲慮焦勞此界縣事  
切情廼誠出于無可奈何之懇仰冀<sub>一〇</sub>憲鑒矜憐俾  
下吏奉職無愆界縣幸甚地方幸甚

額陳逆賊煽亂愈甚亟請迅勦救民詳

順治十

年一

章雲龍

竊照羅城岩逆寇嘯聚二千有餘密邇僑邑僅止四  
十餘里窺逼城垣時刻戒警四鄉焚劫殆徧寸土無  
非慘毒如縣治西至蟠灘五十里東至台州九十里  
逆賊縱橫無忌行人往來絕跡今且廣勾海逆上山  
入夥日見滋蔓勢不可遏僑居雖屢添防勦見有三  
百餘兵止能爲城守之計至于逆賊狂逞每夜四路  
並出不能分頭撲勦坐視烈熾每有鞭長不及之恨  
界縣向有逆賊一日不勦等事一詳<sub>一</sub>亟請分兵扼要  
等事一詳并屢次出劫塘報瀆陳<sub>二</sub>前院道見存  
憲案可查今幸<sub>三</sub>憲臺蒞政節鉞方新威令遠播伏  
乞立賜勦伐急救一縣生靈界縣按諸形勢謹採成  
效敢進芻蕘仰冀<sub>四</sub>電察按羅城一山界連天台臨  
海東陽僑居四縣其所擄掠之地獨僑居受害最烈



但賊巢路險嶺峻人不能並行馬不能馳驟徒有望崖而嘆故爲今日計若欲滅此朝食止可以環圍堅困不可以長驅進勦務宜嚴簡精兵分札要路每路用馬步四五百名如天台地方一札于施家山一札于大屋基僊居地方一札于山井坑一札于馬踪嶺臨海地方一札于黃沙東陽地方一札于石研堅壁雲屯不過半月賊不能出掠糧食自受困敝然後訂期急攻何患不束手就擒此去春會勦止圍困十日而成效已見今我兵星羅碁布賊心潛奔遠遁別圖鸚徙勢必乘隙地而去再請密遣勇銳數百伏于黃樹葉倘其奔潰定由此地伏兵突出迅不及脫人可縛犁庭掃穴在此一舉至供應糧料仍按某縣地方勅令某縣運送庶免推誤若僊居兩路見有防勦之兵可當一面所增馬步不過四五百人足矣其餘各縣仍乞如數調發卑縣千慮一得之愚未識可否有當如果不謬乞賜雷厲風行庶逆賊得以盡殲而地方早受救寧之福矣

籲請 題蠲荒缺丁田詳

康熙五年二月 鄭錄勳

據合邑坊里應洪志金廷勳等呈稱竊惟僊邑地僻萬山舟楫不通商賈不入沿谷傍澗疊石成田旱則土焦潦則砂塞浙東之民惟僊最苦貧瘠自順治五年山寇蜂起環山爲



巢挨村搜劫遍地沿燒萬慘萬傷直至順治  
 十三年七府官兵會勦稍獲蕩平不料人害  
 方除天災踵至旱荒水荒雹傷虫傷在本年  
 尤甚且仙居田地高者坐山無人開種草踞  
 木佔坵壟絕影低者近水橫流衝壞砂塞石  
 堆畝畝成溪况仙居戶口自寇亂禍連災荒  
 殃結民之死寇兵死飢寒男女逃亡他鄉者  
 村落坵墟似此按額載有畝有丁課條鞭無  
 人無土哀此殘子謀生無路幸奉清丈清丁  
 通查舊額原官民寺田共二千八百四十七畝零  
 十八畝零地共八萬一千四百九十七畝零  
 今丈實官民寺田共二十萬六千一百九十九畝  
 四分九釐二毫五絲外丈荒官民寺田共四  
 萬五千一百八十一畝六分五毫五絲丈實  
 官民地共五萬七千三百二十二畝三分二  
 釐六毫外丈荒官民地共一萬八千四十三  
 畝三分一釐七毫水推砂塞無丈缺額官民  
 寺田共二萬九千二百九十七畝四分九釐  
 八毫無丈缺額官民地共六千一百三十一  
 畝七分四釐七毫又通查額載男婦共三萬  
 四十五丁口今查實在男婦一萬三千四百  
 一丁口死絕男婦共一萬六千六百四十四  
 丁口若不急請題蠲包荒賠絕萬不能完  
 空負仁天招撫之恩伏讀恩綸凡有災傷  
 地方如隱匿不報自干重罪叩乞申詳特  
 題蠲免情由到縣

竊惟僑居僻處萬山為浙東極貧極瘠之區兩水夾  
 山疊石為田屢遭洪水之患畝畝成溪加之以寇亂  
 九載災稜洩至百姓死亡田地荒蕪見在之里遁人  
 民包賠無術逃往他鄉以致田地益荒戶口益耗地  
 方日益殘憊六國課日益缺額且僑邑之地方與別  
 縣不同如別縣之丈缺者或係湖田蕩田塗田濩田  
 雖有衝壞無非東冊西漲其荒者多屬平原沃野生



齒稍繁無難開墾若僦邑丈缺之田皆係沿溪傍澗  
 一經洪水潰決永成石溪拋荒者盡屬窮山邃谷自  
 罹寇亂室廬灰燼山行數十里不聞鷄犬之聲昔日  
 桑麻之所今成草莽豺虎之鄉至于戶口人丁逃散  
 者雖經漸次招回而殺戮死絕者則又無從起白骨  
 而言撫字也今值清丈

皇恩浩蕩凡有災荒合應入告如隱報者自干重罪界  
 縣凜遵 憲行躬親履畝挨都確勘嚴着各都畝挨  
 號逐段挨村逐戶清查隨據閭邑士民合詞呈籲若  
 不據實申明責之以包賠荒絕缺額之錢糧則招徠  
 之殘黎勢必復至流離失所 國課愈加虧額而無  
 徵矣伏乞俯電輿情恩賜鼎詳 題請蠲除無徵之  
 虛額則殘黎得以更生而將來 國課有攸賴矣

申覆荒亡丁田溢額缺額詳  
康熙五年四月

鄭錄勳

蒙 本府備蒙 布政司詳看得僦居縣荒  
 蕪田土逃亡人丁據該府縣申送清冊印結  
 本司彙造寧台溫三府簡明清冊已于邊海  
 荒棄等事案內造報荒田地三萬五千三百  
 七十九畝零缺額人丁四千八百一十一丁  
 口請蠲銀二千五百五十一兩二錢一分九  
 釐零請蠲米三百六十三石九斗五合零詳  
 奉會 題在案今據該縣備造荒亡田丁文  
 冊前來本司備查台屬仙居一縣荒殘至極  
 積年拖欠盈千累萬若非奉有 恩蠲該縣



萬無起色惟是該縣冊報荒蕪田地共九萬八千六百四畝零較之欽奉上諭事案內原題荒田溢額六萬三千二百餘畝零是應聲說新荒准其入冊至報丈缺田地請蠲銀米本司第思清丈一案原為清查隱漏今邸報中各省題報有增無減乃一縣地土豈有缺額三萬五千餘畝之理及查該縣詳內聲說缺額情由但稱丈缺之田皆係沿溪傍澗一經洪水潰決永成石溪等語既稱石溪則其地畝自在亦不可謂之缺額也該縣何不併以荒蕪造報而于冊內開列清丈缺額字樣大干部駁合請憲臺裁示遵行等因奉 巡撫部院蔣 批細閱仙居原詳荒蕪丈缺田地並不聲說明晰難以混入且清丈有通行之案其缺額緣由應嚴行確查報明定奪繳等因到司移道行府仰縣查照行立刻確查所報荒缺田土并清丈缺額田畝及亡絕人丁等項因何前報數少今報數多是何情由其原報荒田今多出六萬三千二百餘畝或係原荒失報或係報後新荒亦須確查登答聲說明白方可詳報再查清丈缺額三萬五千餘畝原據該縣申送舊弓式樣以該縣之弓丈該縣之地豈有缺額之理據稱洪水衝決永成石溪則其地畝自在亦非缺額該縣火速徹底清查備造簡明文冊出具不扶甘結同切實看語具由詳府以憑覆核轉詳等因到縣

伏照儒邑為浙東山瘠之區當故明之末田土已多拋荒逮我

朝定鼎之後憂罹奇荒奇亂不軌跳梁九載荼毒集全

浙之師僂力經年始克蕩平然而人民斃于鋒鏑室廬毀于兵火城如懸罄閭里坵墟又加之以饑饉游臻死亡載道菑稔疊告百里無烟丁絕田荒錢糧無



着按額催科波及共戶鬻妻變產無術包賠迺年潛遁里長併逃展轉株連逃亡愈甚追呼並急版籍益空由此而民生日蹙 國賦日虧界縣履任之初殫力招徠里遁斃亡環庭泣愬僉云兵火之後包賠不已逃往他鄉今日歸來苟延殘喘茲幸奉

旨清丈誠爲千載一時殘黎再生之會界縣凜遵 憲

行躬親履畝挨都確勘備將荒亡丁田數目于康熙五年二月十六日具文申請轉詳

題蠲在案祇因界縣所報荒蕪亡絕之數較之于欽奉

上諭事案內原

題荒冊田地溢額六萬三千二百餘畝蒙 憲駁查竊

照開報荒蕪例應取據各里甘結投縣確勘方敢造報今查前縣所報荒亡丁田數目當時止據見在之里甲呈報入冊其餘殘里廢甲丁盡絕田盡荒里甲先逃無人呈報是以前縣無憑查造入冊且報荒之後節被災傷地方之凋敝益甚田土之荒蕪尤多此所以前報之數少而今報之數多也又蒙駁查缺額田地一項遵查僑邑山多不毛之山田多砂磧之土依山傍澗聚砂磊石以成坵段曲折邇迤梯級若值霪雨隨圯旋修則溝塍不至潰決畝畝自是犁然奈



以兵火顛連窮山遂谷耕種無人數遭洪水遂至溪  
 流衝壞砂石碌礮日久年深界限傾頽清丈匪易非  
 平原荒蕪之比是以未經丈入今奉 憲查隨經逐  
 細編丈造入荒蕪而田畝于額數無虧伏念儒邑以  
 荒殘之餘民命懸絲皮骨僅存膏血已盡設欲仍責  
 之以包賠荒絕之錢根則初集哀鴻必復至于流離  
 失所 朝廷之正供愈加缺額無徵伏乞俯念殘邑  
 大擴弘仁出結加勘鼎詳

題

蠲俾邀豁之災黎得以漸次生聚開墾尙可望輸將  
 于後日其于 國計民生裨益匪淺矣

再覆荒亡丁田確實詳

康熙五年七月

鄭錄勳

蒙 本府備蒙 布政司覆看得仙居縣荒

蕪田土先于邊海荒棄等事一案詳 憲具

題之時止因仙居縣續報荒蕪聲說未明且無

道府印結是以詳奉 憲臺批示將續報荒

亡田丁刪去止報荒蕪田地三萬五千三百

七十九畝零逃亡人丁四千八百一十一丁

口入冊具 題在案今據台州府知府王綱

肅查據該縣申詳前報荒亡丁田止據見在

里甲呈報入冊其餘殘里廢甲丁盡絕田盡

荒里甲死絕無人呈報是以以前縣無憑入冊

今一併開造詳請具 題具有該府縣不扶

印結前來本司備查該縣續報荒田地六萬

二千二百二十四畝零亡絕人丁一萬一千

八百三十三口計缺額無徵銀五千四百九

十一兩七釐零缺額無徵米六百一十七石

五斗四升六合零俱係未入前冊合應轉請

憲臺飛章入 告但查台巡道仍無來文印結

伏祈督批台巡道覆查如或該府縣所報不



真應將該府縣職名揭參如果所報真確立  
具應結詳請具題可也等因詳奉

總督部院趙督批台巡道確查在案又奉  
巡撫部院蔣批荒蕪一案康熙元二年兩經

題覆仙居縣原止報有荒田地三萬五千餘畝  
今突報多出荒田六萬三千餘畝稱因里甲

死絕無人呈報前縣無憑入冊從前錢糧按  
戶催徵豈有死絕無人歷年不知之理又缺

額田三萬五千餘畝稱界限傾頽清丈匪易  
是以未經丈入今逐細編丈造入荒蕪前後

游移恐該縣因有請蠲之行爲此乘機混  
冒耳况田畝數至六萬三千有零事關

國課盈虧豈可輕率入告還應如何委勘真  
確仰司移台巡道細加詳查報等因到司移

道行府飭縣即將該縣所詳續報荒缺田畝  
并亡絕人丁等項何故較比原報多出田地

六萬三千二百二十餘畝人丁一萬一千八  
百三十三丁口計共缺額無徵銀五千四百

九十一兩零米六百一十七石五斗四升零  
確查真實有無乘機以清丈爲名捏報請

蠲情弊務須遵照憲批逐一登答明白據  
實詳府立等覆道移司轉詳院奪等因到  
縣

伏照儒邑爲浙東山陬瘠壤二十年以來荒亂游蕪

城鮮居人村絕烟火丁絕田荒民命懸絲查通縣坊

都共計六十里今里甲全缺之廢里共一十三里半

廢里分二十二里其餘里分十遞俱多殘缺按冊則

有田有丁徵條則無人無課雖云按戶催徵但錢糧

每年缺額無徵銀八千餘兩前任知縣康明遠于欽

奉 上諭事案內曾將荒絕丁田數目造冊詳報在

案今卑縣所報荒蕪之數較前縣所報之田數溢額



六萬三千二百餘畝蒙憲駁查案查前任知縣康明遠當時所報荒蕪之數在于未經清丈之先其詳報荒絕之數止據見在里遞具結開報其餘廢里殘甲丁亡戶絕里甲無人雖有荒蕪無人開報前縣無憑查造入冊界縣履任之日適值清丈之期身親履畝挨都清丈凡有田形界限者悉令編丈入冊此所以界縣所報之數較溢于前額也至于缺額一項係清丈之後通筭縣總丈缺之數查僑邑之田俱係依山傍澗縈紆曲折磊石層級以成坵段自經奇亂奇荒之後窮山幽谷耕種無人每遇春霖洪流汎濫水推砂潰年深月久界限傾頽畝畝成溪溝塍絕跡界縣前因清丈缺額隨經具文詳報在案嗣蒙憲駁以清丈一案于例有增無減界縣凜遵憲駁隨又躬歷各都將依山傍澗水推砂潰之所督令挨都順號逐細插簽編丈造入荒蕪而于原額無虧伏思

朝廷之正供出于民而民之賦役出于土今僑民以兵火之餘丁絕田荒頽尾哀鴻皮骨僅存伏乞俯念殘黎積苦出結加勘鼎詳題蠲俾僑邑得叨生聚培養之恩而于國計攸賴匪鮮矣

康熙五年七月初九日詳覆  
題請康熙六年二月十五日奉部文本年正



月二十日奉旨依議行知到縣一體欽遵蠲免在案

申覆查撥投誠開墾詳康熙七年正月鄭錄勲

蒙布政使司信牌為請行墾荒之令等事  
仰縣即將原

題達部荒蕪請蠲底冊備造有主無主荒

田地若干清冊務與原題之數相符不得

缺少一畝依縣送司詳院達部等因到縣

伏照儒邑介在萬山土多砂礫屢遭洪水猷畝成溪  
嗣以順治五年間禍遭叛寇周欽貴等負山谷之險  
虎踞嘯聚殺戮人民焚燬房屋以至浙之師九年方  
克于是丁口死亡殆盡田地潰決殆半錢糧缺額無  
徵蔓延包賠民不堪命近奉

皇恩蠲豁民慶再生死絕者雖不可復問而逃亡者亦  
已漸次來歸殘邑煥黎似有起色茲奉行查撥荒田  
給與投誠兵丁開墾查儒邑荒棄田地除小民已經  
認墾并可以開墾外其餘水推砂塞者實係依山傍  
澗縈紆曲折磊石以成坵段自經奇亂奇荒之後窮  
山邃谷耕種無人每遇春霖洪流汎濫水推砂潰年  
深月久砂石磷砒設或撥與投誠兵丁開墾一經具  
題之後而此石田既不可耨鋤開墾屯兵將何仰賴是  
又不得不預為申明者也

康熙七年正月十三日詳覆又為三上墾荒  
等事于康熙七年二月初四日詳同前由奉



總督部院趙 批投誠墾荒官兵已經派撥溫  
衢二府安插開墾矣仰布政司行知該縣繳  
隨蒙知照到縣遵奉在案

### 再覆查撥投誠開墾詳

鄭錄勳

蒙 本府轉蒙 布政司備奉  
巡撫都察院 憲牌為三上墾荒等事行府仰  
縣卽將原報積荒田畝確查某都某里若干  
畝內砂土石田若干積荒者若干或有新在  
名墾見在墾糧者若干逐一分晰明白備造  
細冊并各都畝認墾結狀送府轉詳 院  
司酌撥投誠官兵  
開墾等因到縣

切照僑邑僻處萬山疊石為田兵火之餘屢遭洪水  
于是畝畝成溪錢糧缺額幸蒙

皇恩蠲豁民得再生于康熙六年十月間蒙 前總督

部院趙 檄查積荒田地撥給投誠兵丁界縣隨經

確查水推砂潰田地實係洪水衝決竟成石溪其餘

畧有砂土可墾小民認墾者又係隔山阻水坵段零

星並無連近五十畝可以撥給一兵者設或撥給投

誠兵丁誠恐奔走不遑無暇開墾各屯兵終難安生

等緣由申詳隨奉 前總督部院趙 憲批將投誠

官兵安插溫衢二府免撥僑居縣開墾檄行知照到

縣卽于康熙七年三月間三上墾荒案內具 詳

題 部覆在案又查小民認墾者于康熙七年六七月之

交復被洪水衝決當于七年八月二十九日蒙



前巡撫部院蔣英按臨踏勘明白二十七日

題覆在案今奉憲檄卑縣遵復挨都確查水衝田地

委係依山傍澗洪水衝决砂石磷七間有界限衝壞而砂土仍存者或以畝計或以分計隔山阻水坵段零星各有業主見在勸墾是又碍難撥給理合據實詳覆者也

康熙八年四月內詳覆 布政司轉詳奉

巡撫都察院范 批仰詳 總督部院批示繳

奉 總督部院劉 批台屬積荒田地既成石溪永難開墾而温衢二府已奉 前部院安插訖相應將投誠墾荒官兵安插處州府仰司通行知照繳隨蒙備行到縣遵奉在案

申覆造報開墾詳 康熙九年七月 鄭錄勳

蒙 本府轉蒙 布政使司備奉

巡撫都察院范 憲牌為三上墾荒等事到府

仰縣速將原報積荒田地或係土田或係砂田或見在陞科者逐一開造清冊送府轉送等因 蒙此

伏照原報積荒田地舊係水推砂石者案于康熙七年二月初四日為三上墾荒等事以水推砂石難墾

緣由造冊申詳 前總督部院趙 奉批投誠墾荒

官兵已經派撥温衢二府安插開墾矣仰布政司行

知該縣繳在案其餘零星坵段附溪傍澗畧有砂土

可墾者又于康熙七年六七月之交復被洪水衝决

悉成石溪案為題報異變水災等事于七年八月二



旨

按臨踏勘明白 題覆在案又于康熙八年二月內

奉 巡撫都察院范 憲牌為三上墾荒等事行司

轉府嚴查僊居縣原報積荒田地或係土田或係砂

田或見在陞科者分晰造報酌撥投誠官兵開墾等

因到縣遵即將水推砂石難墾緣由于八年四月內

申覆奉 巡撫都察院范 憲批仰詳 總督部院

批示繳隨蒙布政司轉詳奉 總督部院劉 批台

屬積荒田地既成石溪永難開墾而溫衢二府已奉

前部院安插訖相應將投誠墾荒官兵安插處州府

仰司通行知照繳在案今又奉 憲行屢催造報前

因該界縣看得僊邑原報積荒田地敢不勸諭開墾

第緣僊邑僻處萬山之中為浙東極瘠之區兩山夾

水磊石為田一經洪水汎濫界限衝决砂石磷砒年

深月久竟成石溪當故明之時荒殘已甚逮至我

朝叠遭奇亂奇荒不軌眺梁九載荼毒于是人民死

亡畝畝成溪此僊邑積荒田地非若別郡縣之可以

開墾者比也且案查為遵 諭陳言請停墾荒之限

事于康熙四年五月二十二日蒙 布政司劄付轉

奉 前巡撫部院蔣 案驗准 戶部咨內開查康



熙元年具題如直隸各省有荒田地者不行開墾處  
分開墾如數紀錄加級以康熙二年爲始五年墾完  
今思荒田地定有限年墾完之例有司希圖免罪將  
荒田地捏報開熟田地派之小民包賠錢糧以後開  
墾如數者紀錄加級仍照先定例行其限年開墾及  
處分應行停止等因奉

旨遵行在案又案查爲請嚴勸墾之典以甦民累事于  
康熙六年七月初六日蒙布政司劄付轉奉 前巡  
撫部院蔣 案驗准 戶部咨內開查康熙四年三  
月具題以後開墾如數者紀錄加級仍照先定例行

其限年開墾及處分已行停止今各省有司官希圖  
紀錄加級捏報墾荒數目強令小民包賠錢糧嗣後  
自康熙六年爲始凡題叙勸墾各官係三年起科時  
將所報開墾田地應徵錢糧數目果實如數全完該  
督撫查明取里老無包賠甘結據實具題照例紀錄  
如有將未墾捏報徵糧不能如數照康熙元年題定  
例將原報督撫降二級罰俸一年道府降四級調用  
州縣衛所官革職等因奉

旨遵行在案該卑縣細繹 部文定例是皆推廣

朝廷愛民至意卑縣何敢以砂石捏報開墾令民包賠



致累 各憲均受處分今又于本年四月十六日蒙  
本府備奉 巡撫都察院范 憲牌爲清查實荒田  
地等事照得本院遵奉

俞旨查勘各屬積荒田地按臨該府每遇小民沿途哀  
籲呈報積年久荒田地或被水衝或被石壓或係年  
久積荒不能開墾多年賠累未獲請 蠲今本部院  
親查台衛屯田之外所有前項荒蕪民田地故此皆  
平日府縣各官不恤民瘼隱匿不報以致貽累至今  
若不亟爲查蠲民害將何底止合行嚴查爲此仰府  
查照來文事理卽將該屬各縣田地細心查勘果係  
年久積荒并水衝石壓不能開墾者該府據實造冊  
呈送以憑核 題請 蠲以免小民遺害等因到府  
轉行到縣該卑縣伏誦 憲檄無非念恤民瘼而憐  
邑積荒田地已于康熙六年正月于邊海荒棄無徵  
等事案內詳奉 題蠲在案並無包賠以荒作熟貽  
害小民但原報積荒田地實係洪水衝決砂石磷<sub>匕</sub>  
年久成溪難以開墾卑縣設以希圖紀錄捏報開墾  
必致遺害小民有負 憲臺愛民之意且犯 部定  
捏報之例卑縣雖甘受嚴處而致累 各憲均受處  
分則卑縣罪益難追矣



額請歸併荒絕里甲詳

康熙十年九月

鄭錄勳

蒙本府備奉總督部院劉憲牌為飭  
惟編審以重賦役事仰縣備照督撫藩

司屢次申飭事宜該縣立將里役作速秉公  
編定其間一定不易法當遵奉者俱要着實

力行或有時地異宜大同小異之處不妨酌  
議變通一面上緊料理一面將理合變通情

由明白通申各憲查考等因蒙此行據閭  
邑士民呈稱仙邑窮山瘠土磊石為田每遇

洪水衝決則山澗田地悉成砂石永難開墾  
茲水推田地死絕人丁已蒙題蠲減額而

有名無實之里甲虛冊猶存茲際大造仰蒙  
督撫兩院暨藩司惓惓為國為民至意伏

乞恩賜詳請除虛核實將原編六十坊都除  
去十畝併為五十坊都庶上不失正供之額

下可省徭役之繁情由到縣據此  
竊照僦邑僻處萬山土瘠民窮為浙東之最錢糧不

及天台之額而里分較之天台反多二十四畝况荒

絕丁產既蒙

皇恩蠲豁減額則荒絕里甲似難虛存理應歸併茲據

士民公議呈請合無詳請憲臺俯念輿情恩允歸

併則于國計民生均有裨益矣

康熙十年九月十三日詳奉  
總督部院劉憲牌為飭  
巡撫都察院范批仰布政司查議速詳報奉

布政使司袁批本司原詳併畝減役止謂里  
多則役多于民不便耳今據該縣詳稱荒絕

里甲似難虛存理應歸併仰府速照原行飭  
令三千畝者悉仍其舊不得遲延觀望繳通行

到縣遵奉併畝均里編審在案



申覆減畝併里緣由詳

康熙十二年三月

鄭錄勳

蒙本府信牌為編審預期等事仰縣查照即將大造編審人丁戶口立刻督令經承攢造都畝花名細數冊結并該地方舊例聲說明白具文詳府立等查核轉送等因到縣蒙此

伏照儒邑地方舊例原設十坊五十畝額載官民寺田地山塘河各徵不等只有民寺二田派役而官田地山塘河不與焉民田照畝直當寺田二畝折作一畝歷例坊都二則科役在城者為坊應值上司管解條糧兼攝保甲役田四百五十畝在鄉者戶都不過聽解糧餉催鞭赴比役田三百五十畝蓋將一百畝

以佐在坊者之煩費故坊都不等原額民田二十四萬九千二十三畝零寺田一萬二千八百八十四畝零男婦三萬四十五丁口自戊子年來寇亂二十年凋殘人民死亡市井坵墟界縣初蒞茲土巷無居民城如懸磬目擊心酸幸際康熙四年間奉

旨清丈具詳

上憲蒙

題准蠲荒民田五萬三千三

百五十六畝零荒寺田七千三百七十八畝零逃亡男婦一萬六千六百四十四丁口茲屆編審界縣稟遵均里之法計田分里故將六十坊都編作四十八坊里然里分離減而應徵之條銀不減絲毫應徵之



糧米不減顆粒此于賦役全書

奏銷歲叅毫無虧

缺界縣曾將減畝併里之請詳奉

各憲准行在案

其編審文冊見在造送理合備叙緣由申覆

百五申覆造送里戶充役冊詳

康熙十二年十月

鄭錄勳

蒙

布政司衙奉

巡撫部院田

批本司

呈詳為查催編審事仰縣立着總書即將編

審定役冊內各坊都田畝數目多寡不均是

否舊例有無偏枯據實詳明其各甲戶下里

役務將細戶田畝地山若干充役幾分幾釐

分別開造以便稽查等因到縣蒙此

伏照僊居九邑地僻民窮編審舊例惟以民寺二田

充役其寺田較民田尤瘠每二畝折作一畝歷經多

屆無異至若官田地山塘河自古以來從未派役前

次造送之冊係照全書總額按各坊都里甲收歸逐

項通列備 憲查核致奉嚴駁其實除官田地山塘

河外實在民田一十九萬五千六百六十七畝一分

四釐五毫寺田五千五百五畝五分四釐二毫五絲

凡寺田通皆折半合算共田一十九萬八千四百一

十九畝九分一釐六毫二絲五忽照編定東西隅計

十坊各鄉計三十八都共四十八里每里裝田俱係

四千一百三十畝有奇每甲裝田俱係四百一十三

保縣縣志

卷二十四 申詳

五



一畝三分零充役一分四畝一分三釐零充役一釐各里甲人戶田畝數目適均並無多寡偏枯今奉飭造細戶充役務晰分釐數目遵督經總查照往規除官田地山塘河已經前冊造送不復開列外另造縣額實在民寺田畝并審定各坊都花戶役田細數充役分釐清冊見在伏候覆核轉送施行

蒙

署布政司事嘉湖道李

批仰候核冊

另檄知照繳

瀝陳地方傷殘已極請寬限停徵詳

康熙十三年八月

鄭錄勲

竊照僊邑地處台郡上游西北界聯金華府屬東陽

縣永康等縣西南界聯温州府屬永嘉樂清等縣正

西又接壤處州府屬縉雲縣是僊邑居金華温處三

府之間當逆賊侵犯台郡之要路故自三府屬縣被

失之後賊即發兵向僊七邑百姓俱多驚惶逃避界

縣竭力撫綏請兵救援冀保危疆于萬一不期温處

偽總兵徐尙朝着令偽都司李雲等統領逆兵萬餘

于六月二十八日卯時兩路來攻僊城又令賊首潘

鼎甫厲進卿秦叔英毛六金允清蔣汝飛陳士堅等

接應協攻周城重圍攻打甚急界縣率領家丁馬快

皂壯鄉勇人等揀死堵擊閭邑男婦驚惶無措正在



危急之際幸台協汪都司援兵隨至自辰至巳內外夾擊殺賊大敗陣斬厲進卿等及活擒僞都司李雲等五百餘人其餘賊首退札溫處交界地方界縣卽出示招撫百姓不意僞總兵徐尙朝仍令賊首陳都督潘鼎甫王和毛六蔣汝飛等各帶賊兵于儒邑地方路通金華溫處三府重山峻嶺羊腸鳥道人馬難行之地札巢五處打劫糧料燒屋殺人卽山僻之處無不搶掠燔燒淨盡聲言不日統領賊兵又來襲取儒城故界縣率領家丁鄉勇人等會同汪都司韋千總日夜防禦而所餘殘黎或逃往隣縣骨肉離散者有之或躲避窮谷以致餓死者有之甚至拋妻棄子尋死覓活者有之村落竟成坵墟街市悉堪羅雀卽在官胥役亦盡奔逃界縣雖多方曉諭招撫流離而竟無一人來歸以致各年地丁兵餉雜項錢糧及

欽部

憲件萬難依限措辦完結合無詳請俯念

欽

部

憲件槩與寬宥俟蕩平逆賊之後招徠徵辦

理合備叙情形預爲詳明

康熙十三年八月十五日通詳本月二十八日奉

總理浙江兵馬糧餉部堂達 憲牌據該縣詳報率領家丁人等會同汪都司韋千總日夜



防禦殘黎胥役奔逃以致各年地丁兵餉萬難措辦等緣由到本部堂據此除行布政司查議并康熙十三年未完地丁銀兩念此驚鴻未定見在彙疏 題請停徵合行知照本年九月初一日蒙 布政使司批該縣會同汪都司殺敗賊眾堅守孤城具見才畧除欽部事件已經 題准槩行寬限外其各年錢糧俱准停徵以恤殘黎繳各到縣遵奉在案

泣陳慘傷情形亟賜額請蠲賑詳

康熙十四年四月

鄭錄勳

康熙十四年四月初十日據本縣難民王伯文李龍張士望等呈稱文等地處萬山之中界聯金處溫黃自去年三月間閩逆倡亂奸宄乘機哨聚各踞巢穴搶掠焚殺已不堪命至六月間搆通溫處逆賊萬餘焚掠鄉村侵犯縣城及至十月溫黃賊寇數萬踞縣四出搜掠雞犬耕牛不留粒米寸草無存婦女盡驅入城少壯悉逼助逆不從者房屋焚燬全家殺戮上天無路入地無門今滿漢大兵恢復縣城男子被殺婦女賞兵玉石難分有口莫辯文等性命本屬皆死幸蒙仁天跪泣請命得以生全痛思文等骨肉死離悲苦之情冤抑無訴又且家無遺粒枵腹難忍雖免刀下之慘終作餓殍之鬼哀叩仁天鼎詳亟賜題請賑濟并求蠲免庶文等得以苟延殘喘而逃亡者亦得漸次來歸情由到縣據此

竊照僑邑僻處山陬城守單弱自去年三月間閩逆

告叛奸宄因而竊發賊首潘鼎甫厲振卿吳存綱毛

六陳士堅等嘯聚山林焚掠鄉村至六月間搆通溫

處偽總兵徐尙朝等遣偽都司李雲率領賊眾侵犯

僑城而僑民之死于賊者已不知其凡幾迨至十月

溫黃海賊偽總兵林衝朱福連必中等帶領賊眾來



攻僊邑界縣同防官韋千總固守請援隨奉  
各都統暨協鎮各憲以賊衆兵寡携印誓回俟大兵  
到日再取之檄界縣遵與同城文武突圍而出以致  
僊邑被賊陷踞數月四出搜掠驅婦女入城逼少壯  
爲賊從則給劄給牌違則屋焚人殺而僊民之死于  
賊者又不知其凡幾今奉

**貝子殿**下諭令滿漢大兵進勦于二月初一日恢復僊  
城蕩除賊寇斯時僊民之罹于鋒鏑者更不知其凡  
幾而婦女之搶掠離散又不待言矣所餘殘黎逃亡  
外郡顛沛失所者有之家破人離致阻向化仍留賊

營者有之但見城如懸磬村成坵墟野無耕夫路鮮  
行人界縣遵奉 令諭多方招撫見有來歸難民皆

語亡悲痛分離聲亡啼號餒乏界縣目擊傷心聞言  
落淚茲據前情敢不 上聞伏思各年各項錢糧于

去年七月間界縣已將寇亂無徵并 欽部事件難  
完緣由詳奉 題允遵行停止在案今雖恢復而百

姓殺死殆盡婦女搶掠已完若遽行追呼殺死者固  
無從起白骨而問之卽僅存餘生耕食無資輸將何  
出殘子必致盡逃 國課究屬虛懸至于賑濟一事  
界縣非不知大兵雲集粮草維艱焉敢妄爲上請第



時值播種民無粒食如不酌量矜全不特逃亡者難以招徠而現在者恐亦轉于溝壑合無詳請俯念慘傷殘疆恩賜轉詳 題請蠲免賑恤則民生 國計均有攸賴矣

康熙十四年四月十三日通詳本月十八日  
蒙 本府批仰候轉詳行繳本年五月十八日  
日蒙 巡台道楊 憲牌本月十八日據台  
州府詳據仙居縣申稱難民慘傷籲請蠲賑  
等緣由到道為照凡新經恢復各縣現奉  
部 行令縣官招徠開墾務完舊額今仙居既經  
恢復值此公帑匱乏之時本道自當急公催  
徵以佐軍需何敢復為請命但州縣有賊踞  
久暫不同難易各別難以一例而論者查仙  
居一邑南聯溫處東接黃岩西北界聯金華  
屬邑之永康等縣自去年溫處黃岩各處寇  
變此邑竟處賊藪之中于去年五六月間仙

居各鄉即賊徒四起屢犯城池偏行殺掠城  
外之民死于賊手者已十去六七及至十月  
逆賊竊踞仙居將及半載城中之民被賊挨  
家搶劫殺傷殆盡自經恢復以來雖賊氛稍  
滅而此邑已路絕行踪村斷烟火從來被賊  
荼 之慘未有如此之久也今所剩寥寥子  
有賊踞久暫不同之說也今所剩寥寥子  
其舊穀已被賊搶食一空新穀又時際青黃  
不接皆求生無路覓死有期之人若以錢糧  
逼令上納則死者既死于兵火而生者又因  
于催徵勢必併此一死黎黎皆逃死者  
死今年之開徵固屬有名無實後來之  
國賦將欲問之何人此本道有難易各別之說  
也除仙民籲求賑濟已蒙 上憲  
題請賑給外其十四年地丁錢糧合無仰乞  
憲 臺俯念民為邦本恩賜 題蠲存見在一二  
未逃未死之民正為將來永遠辨納 國賦  
之地籌 國計于久長不得請寬民命于  
目下本道非專為虎吻餘生求緩死須臾已  
也除經備文通詳外合先知照等因隨于康



熙十四年閏五月內奉  
 巡撫都察院陳 批仙居傷殘之後哀鴻甫集  
 誠難遽議追呼但此等恢復各縣其十四年  
 錢糧如實不能催徵者業准有暫行緩徵之  
 部文仰道檄行該縣遵照繳又蒙 布政司  
 備奉 巡撫都察院陳 案驗准  
 戶部密咨為殘邑甫經恢復等事內開浙省自  
 寇亂以來錢糧催徵不得查見今恢復義烏  
 等各縣康熙十三年以前未完錢糧既稱難  
 以催徵應暫行停徵俟民力稍甦再議各等  
 因行知到縣一  
 體遵照在案

申覆泣陳慘傷籲請蠲賑詳

康熙十四年五月

鄭錄勳

蒙 本府備蒙 布政司批仙居縣申詳難  
 民慘傷詳請蠲賑緣由蒙批仰台州府查議  
 報又蒙 驛傳道李 批同前由仰台州府  
 酌議作何蠲賑速通詳報繳各到府仰縣查

照即將該縣慘傷民人作何安輯地方何以  
 補救錢糧果否難徵逐一確查加看具詳立  
 等轉覆等因  
 到縣蒙此

切照僑邑界在萬山之中溪石磷匕水推砂塞無常  
 田地最為磽瘠即當承平之時一經旱潦每有俯仰  
 不給之虞此錢糧歷年拖欠之大較也自康熙十三  
 年三月閩逆煽亂四五月間叛逆疊告土寇在匕蠢  
 動賊勢日益披猖肆行剽掠侵犯各里民奔竄逃生  
 其田地已盡拋荒輸將已無措辦此地方傷殘已極  
 等事一案所以詳奉 總理部堂憲鑒念此驚鴻未  
 定將康熙十三年并各年分未完地丁錢糧彙疏



題請停徵也及上年十月被溫黃賊寇淪陷盤踞百有餘日挨村拷糧搜餉掠其貨財燔其房屋寸絲粒米無遺百姓逃竄者不免死亡脅從者多罹鋒鏑今雖蒙滿漢大兵恢復已成空野空城見經招回難民合坊里烟戶共計不及原今十分之二三又皆妻離子折其前赴尋贖餓死道塗者又不知凡幾今見在慘傷難民男婦大小丁口雖經安插在籍其如糊口無資啼飢之聲不絕界縣觸耳惻心于詳請行

題蠲恤後量給升合之賑無濟眾口哀嗷今奉  
總督部院李 有請賑被難飢民等事一疏奉

部覆准行查見經遵照曉示定報候賑無庸再議外伏念僊邑康熙十二年天行不順亢旱至二百餘日既已三秋失望乃久旱之後繼以寇亂失業傾家室如懸磬田皆砂壅夫小民之所以養家口完 國賦者惟此穀麥是賴今時逾五月其舊穀搶劫已盡二麥業俱絕無即使日漸墾種秋收亦恐無及而况新集殘黎粒食維艱饘粥不給凡耕牛犁鋤等器具早經晚稻等子粒尚皆無力措辦兼以溫黃賊寇逼隣反側未靖風鶴頻驚人心當渙散之時非藉 寬恩緩徵無以補救安輯其康熙十四年分一應錢糧委



果萬難催科卽康熙十三年以及十一十二等年分  
實欠在民未完起存各項銀米業自上年寇亂卽無  
從徵辦復經陷踞之後蹂躪荼毒慘傷實甚死者既  
不可復起生者又無以自安而欲責其完夙欠卽猷  
朴至斃亦萬匕不得之數也雖錢糧攸關 國計不  
容缺乏然民心實繫 邦本尤務矜全除康熙十一  
十二十三各年分民欠未完項款數目見在造冊另  
文申送外合請軫念地方殘破難民慘傷恩賜鼎詳  
特疏入 告將僊邑新徵舊欠請

旨下部查議暫爲蠲免俟溫黃蕩平後再行清核起科

庶渙散殘黎咸樂更生而未靖反側亦歸懷恐後矣

康熙十四年五月二十三日詳覆本月二十  
六日蒙 本府批仰候轉詳 各憲批示另

行知  
照繳

申覆巖疆困苦一併繪圖詳 康熙十四  
年十一月

王之夫

蒙 本府轉蒙 布政司備奉  
憲 牌據西安縣詳前事等因

到本都院據此除批行該司查議通詳併將  
輿圖發查外案照本都院先因西安等六縣  
或見在用兵或逼近賊寇地方殘破人民逃  
亡錢糧艱于徵解業經咨請

貝子統帥勦蕩而臨海見駐大兵寧天二縣凋  
敝之區殘黎未能復業前據各縣籲詳多未  
剴切畫一碍難補贖 題請可否一併繪圖  
入 告擬合檄行查議到司行府仰縣遵照



即查該地方凋敝殘黎未能復業錢糧艱于徵解緣由可否一併繪圖入告該縣即便酌議妥確據實剴切出看立刻詳府立等核明叙詳請 憲彙詳會奪毋得遲延速此各等因到 縣蒙此

伏照儒居萬山僻處地狹人稀界聯溫處黃岩等郡縣自順治五年起山寇擾亂七載人民殺戮田地拋荒較之台州屬邑尤稱凋敝不期去年五六月間處州賊首李雲等越境來儒沿村燒屋劫掠殺人欺城小兵單率賊眾侵犯雖經鎮兵勦除全城而儒邑人民之被傷已甚至十月十三官兵奉撤回府民失所恃合城奔逃大夥逆賊遂從溫州黃岩乘虛踞縣猖獗各鄉拿入寨者一絲必勒躲山深者寸草不留挑稻穀宰猪牛逢人笏剝衣服扞溝掘坑結寨立營連踞四個月餘無尺地可種無寸路可行不得已入城苟延本月初二

王

師恢復民賊雜處玉石俱焚夫妻分離兒女搶擄一旦屠戮悽慘萬狀原其由來實非百姓之罪界職蒙委署縣務自蒞縣之初惟見荒草盈衢白骨遍野一城不過數家盡是號妻哭子一家或留一口全屬鵠面鳩形最慘最傷目擊心碎兼以滿漢大兵數萬會集儒居需夫開路掘嶺進勦黃岩飢餓苦楚半登鬼



錄見今環攻溫州因樂清路阻兵馬往來俱由仙邑經過擡炮火運藥彈用夫累千募僱外郡不繼以致現熟稻穀踐爛未收及時二麥無暇耕種殘黎苦情實雖枚舉畀職曾多方招揀但殺戮之後繼以夫役死亡相藉卽有子遺盡皆尋妻覓子募贖外郡不獲歸寧故里此招揀之不易也招揀百姓必在安插然城鄉房屋燒盡無可棲身農具口糧皆絕無以養活此安插之不易也招揀得所安插有賴方可勸輸今僦邑一都或止存一甲一甲或僅存一丁更有全家盡絕一里俱亡者田地盡成茂草村落一望坵墟按冊有額徵比無人此勸輸之更不易也畀職俛首沉思無術補救卽徵比有法比無可用勸輸有心比亦徒然備將仙邑被賊踞陷地方人民殺戮房屋燒燬田土荒蕪慘傷情形逐一繪圖申詳懇祈轉詳

題請

皇仁蠲舊欠更蠲新徵賑他郡先賑茲邑恩上加恩惠中施惠庶流離之遺子來歸而覆巢可整困苦之殘喘安集而棄土復耕 國計民生攸賴匪小補矣

申覆泣陳慘傷情形詳

康熙十四年十二月

王之夫

蒙

本府轉蒙

布政司備奉

總督部院李

批仙居縣申詳仙邑慘傷被賊



踞陷詳請蠲賑緣由奉批仰布政司速議通

報奉此先為前事奉

總理部堂達 巡撫都察院陳

批同前由本

司已經備行該府確查去後未據申覆合再

行催仰府即查仙居縣所詳地方傷殘情形

火速設法招徠多方勸輸一面具文詳覆以

憑轉詳各憲裁奪等因又蒙 本司批該

縣申詳難民慘傷前由仰台州府查報各等

因到府仰縣查照文到即將該地方傷殘情

形火速設法酌議人民作何安輯地方作何

補救錢糧果否難徵招徠何以得所務須殫

力奉行逐一查明具文詳府以憑轉詳等因

到縣 蒙此

遵查得泣陳慘傷等事一案係鄭知縣于本年四月

內通詳 各憲隨申 道府曾蒙本府據縣申詳緣

由看得僑邑乃彈丸小邑土瘠民窮不意去年六月

迄今被賊劫殺之慘不待言矣迨至大兵進勦恢復

城邑民罹鋒鏑之慘又鄭圖難繪者也今據該縣知

縣鄭錄勲備具難民慘傷 國課無徵情形詳請

賑以救倒懸此為民生起見相應據實轉詳恩出

憲裁等因又蒙 本道加看得為照凡新經恢復各

縣現奉 部行令縣官招徠開墾務完舊額今僑居

既經恢復值此公帑匱乏之時本道自當急公催徵

以佐軍需何敢復為請命但州縣有賊踞久暫不同

難易各別難以一例而論者查僑居一邑南聯溫處

東接黃岩西北界聯金華之永康等縣自去年三月



溫處黃岩各處寇變此邑竟處賊藪之中于去年五  
六月間僑居各鄉卽賊徒四起屢犯城池徧行殺劫  
城外之民死于賊手者已十去六七及至十月逆賊  
竊踞僑城將及半載城中之民被賊挨家搶劫殺傷  
殆盡自經恢復以來雖賊氛稍滅而此邑已路絕行  
踪村斷烟火從來被賊荼毒之慘未有如此之久也  
而甚者此本道有賊踞久暫不同之說也今所剩寥  
寥糞子其舊穀已被賊搶食一空新穀又時值青黃  
不接皆求生無路覓死有期之人若以錢糧迫令上  
納則死者旣罹于兵火而生者又困于催徵勢必併

此一二殘黎皆逃者逃死有死今年之開徵固屬有  
名無實後來之國課將欲問之何人此本道有難  
易各別之說也除僑居籲求賑濟已蒙上臺

題請賑給外其十四年以前地丁錢糧合無俯念民爲  
邦本恩請題蠲存見在一二未逃未死之民正爲  
將來永遠辦納國賦之地籌國計于久長不得  
不請寬民命于目下本道非專爲虎吻餘生求緩死  
須臾已也今據該府具詳前來除呈詳部堂

督院外理合備移等因俱在案本年五月內蒙批本  
府查覆轉行到縣時鄭知縣隨經備由詳覆蒙本



府批仰候轉詳 各憲批示行繳在案今奉 各憲  
批行併催到縣界職遵將僑邑被賊踞陷慘傷情形  
錢糧無徵緣由逐一明晰據實繪圖申詳

題請蠲免間適蒙 憲檄行追台郡十四年錢糧界職

非不知兵馬雲集糧草維艱理合多方勸輸以佐孔  
亟第僑邑素稱凋敝之區自去年五月至十月被賊  
屢犯城池焚劫殺傷僑民之死于賊者無數本年二  
月初一日 王師恢復玉石俱焚僑民之死于鋒鏑  
者又無數更有全家盡戮寸草無存者被賊踞害之  
慘從未有甚于僑邑者也且 國以黎庶爲本民以

室家爲心自骨肉分離顛沛失所募贖外郡不得歸  
寧故里者又不知凡幾田地盡成茂草村落一望坵  
墟從來恢復之城池更未有慘于仙邑者也本年八  
月間又兼滿漢大兵數萬會集仙居由朱溪茅坪寺  
基岡等地方鑿山越嶺進勦黃岩無路非兵無役非  
夫至今環攻溫州因樂清路阻兵馬官差日由僑邑  
經過需夫擡炮火運藥彈山高嶺峻地凍天寒飢餓  
疲困半登鬼籙從來夫役繁冗之苦又未有甚于仙  
邑者也界職自委署以後多方招徠復業者寥々無  
幾諭令開墾則牛種農具絕無再四思維正慮無術



補救倘再加追呼不惟已死者不能起白骨而問輸  
將卽未死者勢必仍逃亡而無從催納况殘邑甫經  
恢復等事案奉 部行凡府州縣殘破地方十四年  
錢糧如實不能催徵者應暫行停徵之語僑居頻遭  
寇器重經恢復慘傷最甚之殘疆諒浩蕩

皇恩必有更加賑恤者矣本年五月內曾蒙 各憲垂

憐 題請賑給僑邑窮黎均叩 盛典夫此待賑之

難民便屬待蠲之赤子 朝廷旣發內帑拯救以爲

永久之圖必不再加催科而致受催徵之苦界職目

擊顛連心爲悽惻除經繪圖申府詳 道轉詳外合

無覆詳轉請 各憲恩賜特 題將十四年以前之

舊欠悉請 蠲豁而十五年以後之新課併祈緩徵

庶休養數年漸培茲邑則靡室靡家之遺氓重耕棄

土無父無母之殘蟻得整覆巢矣

康熙十四年十二月初六日具詳蒙  
布政司批仰候轉詳 各部院批行繳

再覆泣陳慘傷情形詳 康熙十五年 王之夫

蒙 本府轉蒙 布政司備奉  
巡撫都察院陳 憲批前事到司行府仰縣查

照文到卽將該縣申詳泣陳慘傷情由再行  
從長酌議出具切實看語刻日具文詳府轉

詳等因到  
縣蒙此

伏照僑居彈丸小邑僻處萬山之中災亂頻仍民最



貧苦卽前無事之時錢糧屢徵不完今被寇荼毒之  
慘傷殘實甚更非昔日承平之可同年語者也自十  
三年六月金處寇入哨聚焚掠鄉城塗炭慘矣而十  
月間官兵撤回盜賊盤踞將及半載報仇劫殺幾無  
噍類其慘又不堪言也十四年二月初一日幸賴

王師恢復然一時玉石俱焚小民橫罹鋒鏑骸骨枕藉  
慘矣而子女繫累骨肉分離哭聲震天募贖十未歸  
一其慘更不可聞焉七八月間滿漢大兵數萬會集  
僊居進勦黃岩無路非兵無地非馬且開路鑿嶺賣  
糧擡炮各項需夫實繁飢餓困苦死亡相繼慘矣而

溫州未復樂清路阻凡兵馬往來一切軍器公役  
萃僊居答應人夫盈千累萬前差未回後差又到去  
者不放卽歸亡者非死則病其慘更未有底止卑職  
目擊凋殘殫心體訪仙邑百姓窮苦向或易產賣屋  
以完糧者有之今田土鞠爲茂草四望總屬坵墟並  
無可易可賣之產業矣向或典妻鬻子以完糧者有  
之今妻兒盡歸旗營室家不得完聚並無可典可鬻  
之妻子矣向或里遞間有逃亡着令親戚隣佑承認  
者有之今比屋罄登鬼籙百姓俱絕人烟並無可着  
之親戚隣佑矣當茲東作方興若村落有人有具尙



可望其及時開墾成熟完糧今則人死無數僅存一二殘孑棲身無處飢病夫役交困牛種農具盡絕開墾播種又無望矣再四思維正慮拯救無術若復責以見年各年錢糧職斯土者安能起白骨而追呼向荒野而徵比歎朴徒施叅罰枉受究竟無補于

國課况此亂後殘黎地接温界既無室家可戀若再加刑比勢必致于逃散界職豈不知軍餉難缺寧敢偏護小民憂詞哀請但時在萬難極苦之際法無可施力無可用惟望 憲仁哀此殘黎亟賜轉詳將十四年以前錢糧一槩豁免十五年新運漕項并懇緩

徵庶幾延一二未死之子遺生聚休息尚可冀賦稅于將來界職雖為生民起見而實為 國課起見者也

康熙十五年正月二十八日具詳于二月初六日蒙 本府批十四年起徵十五年漕糧項下淺貢月糧等銀既不能徵解應于根憲所行逆賊方潛案內查明有可徵都畷有不可徵都畷分別另行詳覆以憑彙轉無得以緩徵一語混入此案了事至十四年併各年錢糧已于亟陳郡邑殘破案內繪圖彙詳矣仍仰候再加看轉詳行繳

申覆踏勘荒熟分別催科詳 康熙十五年正月

王之夫

蒙 本府備蒙 督糧道劉 憲牌為逆賊方潛等事仰縣查照憲行及麗水縣詳內事



理該縣印到各都畝躬親踏勘查明成熟者若干可墾者若干無主者若干逐一分別造冊註明應徵緩徵蠲徵字樣並田畝錢糧數目星速覆府以憑彙送本道會詳各憲具題且漕運項下銀米例係十月開徵歲內全完之款該縣分釐無解幸藉本道軫念地方疾苦不忍差催又苦修造船隻立待錢糧給發若不急爲分晰詳請則將來作何考成務當刻期詳覆等因到縣蒙此

切照遵行躬詣踏勘但見各都之中有全無居人烟烟火斷絕者有數村僅三五人家剪茅搭厰寄居山谷衣不蔽體面如菜色者勘其田疇盡皆荒草未見禾根一望悽慘情難盡述然僑居被難已詳備繪圖入告矣但圖能繪其形而不能繪其情卑職有一日

民牧之責目覩慘傷萬苦情形幸際

皇恩 憲仁浩蕩之日有不得不爲盡言者總緣僑居

原係彈丸小邑僻在萬山之中界聯溫處金華三府田土磽瘠自戊子之亂民房焚毀田地荒蕪每年額解地丁僅萬拖欠不完累官叅罰苦瘡痍未起倏遭大變于十三年六月間處州叛寇李雲帶賊厲進卿等圍城隨路放火殺人無所不至雖旋經鎮兵來援內外夾擊驅滅而民間受害已深不意本年十月內都統周 將防兵職官盡撤溫處之寇乘虛入境踞城懷恨報復遍地搜拷大肆殺戮搶掠無遺四鄉之



民死于刃下者十去五六其餘死于勒餉死于夫役不計其數是各處遭賊之苦未有如僊居之甚者也寇踞數月各鄉未盡之民咸驅脅入城于十四年二月內大兵恢復破城民賊難分同時殺戮兒女分散迄今死者未得收埋生者未獲團聚是各處恢復之苦亦未有如僊居之甚者也然人死矣屋焚矣父子夫妻又離散矣當日卽有遺黎被難負傷或乞食求濟于他鄉或尋妻贖子于外郡又牛種農具之俱無此時卽欲耕田而不可得也迨至七八月之間得回故土者或可勉強種麥以延殘喘適值大兵攻取黃

岩路由僊居逸出茅坪進兵會勦萬騎雲屯駐兵養馬野草喫盡且開路擡炮運藥資糧夫役繁興子遺難民服役營盤數月不得歸家此時卽欲種麥以糊口而亦不可得也及王師駐溫之後樂清大路梗阻一切兵馬差員錢糧火藥軍器等項俱從僊居經行日需夫役前差未回後差又到去者不得卽歸者非死卽病難民疲于奔命不得安居况西南兩路逼近溫界邊外皆寇出沒無常見在日夜堵禦誰敢復業此時卽欲乘春開墾而亦不可得也卽將來溫郡恢復夫役少休可墾之田開種有望但久荒之地



必須牛力盤踞之草全在利器難後遺黎寥々可數  
置牛無資製器不備以人代牛一人能開幾畝以手  
當鋤一手能開幾分將來卽欲盡開墾以完糧而亦  
不可得也夫田之荒于寇者寇退而田可耕田之荒  
于兵者兵過而田可墾惟僭邑始則苦逆寇之報仇  
幾無噍類繼則因大兵之恢復玉石俱焚加以募贖  
子女不得歸寧困于夫役奔命力無休息是僭居之  
田荒于寇荒于兵而更荒于無人也若念國用之  
殷繁漕項之緊急遽指可墾者以爲成熟指無主者  
以爲可墾開徵追比刑罰必用死者固不能起九泉  
而問賦而目前乏衣之食之民室家俱無有何顧戀  
勢必并至于逃散見在之額徵徒累官民而不得其  
實後來之國課僅有田畝而並無其人矣此踏勘  
分晰之法固云甚善然可行于他郡而斷不能行于  
仙邑也再四思維民爲邦本必得其民而後田可開  
田可開而後賦可得今爲仙居之計惟有亟望

皇仁 憲慈加恩休養蠲除舊欠并緩新徵俾見住之

民知緩徵而安心復業逃散之衆聞蠲除而相率歸  
來覓牛種製農器將見可墾之田耕卽爲熟久荒之  
土漸可成田雖目前之賦稅不可得而日後之輸將



實有賴矣

申覆備陳地方傷慘詳  
康熙十六年二月 鄭錄勳

蒙 本府轉蒙 憲 布政司備奉 繪圖

題獨一案 部覆恢復各縣內有失陷未久而

恢復者亦有失陷日久而恢復者豈得將新

舊應徵錢糧槩請豁免等語自應再行確查

作何豁免徵收酌議詳 題不特懸此殘黎

抑且考成關係合亟查議為此票仰布政司

文到即將各該縣失陷恢復日期及節年見

年錢糧作何豁免徵收併未失陷之西安臨

海等縣台州衛所一併酌議妥確火速剴切

通詳以憑再行 題請等因到司行府備行到縣蒙此

伏照僑邑慘傷情形及各年錢糧萬難追徵緣由已

經繪圖詳請當蒙轉詳 各憲 題請蠲豁在案茲

奉 內部議覆失陷恢復極苦之黃岩太平僑居

水縉雲宣平遂安等縣內有失陷未久而恢復者亦

有失陷日久而恢復者豈得將新舊錢糧槩請豁免

卑縣切思失陷恢復各縣極苦之中更有極苦似難

以久暫論者如各縣之失陷有未與賊對壘而即以

城降之者賊以為順遂得不大肆殺掠故雖日久而

受害實淺至若僑邑于康熙十三年六月間偽都司

李雲統領溫處賊眾來攻仙城官兵鄉勇與之堵擊

生擒李雲其後賊圖報復屢來侵犯雖屢經擊敗而



分屯城鄉遍地搜掠房屋焚燬殆盡人民殺戮過半  
蓋懷恨深而荼毒慘是各縣失陷之苦未有如仙邑  
之甚者也如各縣之恢復有大兵至而賊遁百姓來  
迎室家如故至若僊邑賊踞之後將所存男女悉驅  
脅入城迨大兵恢復賊眾守城互相衝殺斯時玉石  
難分人民多罹鋒鏑妻子悉行分散是各縣恢復之  
苦未有如僊邑之甚者也又如各縣恢復之後百姓  
卽得安居復業至若僊邑大兵攻取黃岩溫郡等處  
皆由僊居進發萬騎雲屯苦難言悉况開路擡炮運  
餉解料及服役營盤數月未得歸家所存殘黎非死

則病是各縣恢復後之苦又未有如僊邑之甚者也  
况僊邑界聯溫處賊眾時來侵掠直至康熙十五年  
八月間大兵進閩之後溫郡賊眾始行投誠而仙邑  
地方始得平靜此尤難以恢復之久暫爲論也迄今  
僊邑各都之中有全無居民烟火斷絕者有僅三五  
人家剪茅搭廠寄居山谷衣不蔽體面如菜色者有  
謀生無計乞食外郡尋妻覓子流離失所者城如懸  
罄村盡坵墟田地荒蕪一望悽慘死者固無從起白  
骨而責輸將卽生者亦難問青野而問國賦昇縣  
非不知軍需孔亟欲設法以催徵然再四思維實無



法之可設况前捧讀十四年十二月

恩詔內開用兵地方民力重困蕩平之後准請 蠲恤

又閱邸報秦省地方被賊蹂躪已蒙 部覆准免至

十六年在案矧僊邑殘傷更慘倘不蒙 蠲豁則勢

必至殘黎盡迹田畝盡荒非惟從前之積逋無從追

徵而將來之新課恐亦難問合無詳請垂憐極苦殘

疆恩賜鼎詳 各憲將十五年以前未完一應各項

錢糧 題請全蠲將十六年以後見徵一應各項錢

糧暫請徵熟除荒度見在子遺得以復甦而將來

國課亦有攸賴矣

會覆輪值滿營供應詳 康熙十六年六月 鄭錄勳

蒙 本府備蒙 分巡台州道楊 批本府

呈詳大兵駐防日久供應浩繁難支等事內

開本年地丁錢糧曾具詳請 布政司蒙批

解府留充兵餉隨轉行各縣知照在案就于

各縣動支採買令里民上納本色輪將更易

實為兩便請于七月初一日起照縣分之大

小派值日之多寡定期輪流協力共舉不惟

易于措辦克濟軍需更可少甦臨海一邑值

夫獨累矣等緣由蒙批大兵在郡已經三年

臨民獨支力果竭矣在各縣雖有失陷與未  
失陷之不同然均有遭賊之苦今稱既有往  
例自應均當仍候 各憲示行繳到府仰縣  
查照 憲批及詳內事理即將駐台滿漢大  
兵應用糧料草束人夫遵照往例預備委員  
解府聽候至期分值等因蒙此又蒙 本府  
行同前事仰縣查照文到立將駐台大兵應  
用俸糈糧米穀草人夫遵照單開日期并每  
日約用數目火速預備俱于頭月中旬委官



解府聽候支放取檔報銷毋得臨時缺悞等因各到縣蒙此

切照大兵駐台所需供應糧料在于六屬買備承值人夫在于六屬撥候此固義之所不得辭勢之所不容諉者除遵照派單現在備辦外惟是本府詳示于七月初一日起令各縣輪流按期分値之行謂有往例可循伏照先年逆鎮馬信勾引海賊襲城二次皆隨至隨去民氣不甚破傷續以供應大兵上無彈壓之師帥下無遵守之紀律將悍兵驕弱肉強食不獨黃太寧天仙五屬距郡寫遠咸皆奔命不遑卽臨邑近在附郭亦困于抑勒騷擾莫敢誰何維時官民均受其害不勝枚舉致地方日益貧窮錢糧歷多逋欠有自來矣頃聞寇逆天肆橫台區六屬或被陷踞或被侵攻殘破慘傷百倍于昔自康熙十三年六月以來大兵雲集并 寧海將軍固山貝子移駐幸蒙 本府勵精籌畫設法辦應時滿漢各營囁于 王令重以 憲臺德威亦遂怡然無譁習以爲常六邑之中無論陷復與保全驚鴻得以漸集者莫非仰賴無疆之福也今若令各縣分日輪流自值伏念界縣等皆有催徵之責不能分身赴郡而糧料草束一粒一

銖悉關地丁正額承管人役保無借端染指藉口虛



耗者乎不便一如委員在臨黃太猶設有丞若寧天  
僊惟止一尉位既處卑微之末則營弁貌不爲禮素  
未諳戎伍之事則強梁百孔求多而胥役下走又皆  
畏兵如虎一遇紛紜呼擾鮮不張皇退縮不便二况  
滿漢大兵同駐郡城至期羣集雜亂無次所該俸糙  
糧米料穀草束以及人夫雖各有成規不等彼見事  
起更張乘機挾制或數本少而擅取多或收已足而  
故言欠甚且以白爲糙以好爲腐種七弊害勢所必  
至不便三求其支放之數與解運之數相符擋領之  
數與採買之數相符造報銷筭前後一無矛盾此實

萬難不便四切思 憲臺憂深軍 國亦豈以心力

勞瘁而必改絃易轍俾漫不歷練之員役嘗試以債  
事乎所以厘軫慮者蓋念各營供億甚繁臨邑值夫  
獨累耳今卑縣等公議嗣後遵照單開派定日期扣  
筭約用數目一一買備催齊預于半月前償解告投  
聽 本府照常給散則力役均而偏累可以無虞弊  
竇絕而呼庚不致貽悞其善一况 憲房胥吏承辦  
支放已久業皆駕輕就熟凡駐台滿漢將領甲兵該  
支項款成數早已運掌瞭然臨期動支散給自恢七  
游必有餘其善二在滿漢各營習知 憲紀嚴肅給



放仍照常規支領亦按成數自翕然畫一莫敢紛擾其善三至于各縣動支採買以解運之批收為驗年終彙冊報銷以支放之檔領為憑則數目自無舛錯攢造不煩駁查其善四是也轉移間而諸善備焉矣更張之不便若彼仍舊之兼善若此其得失固大彰明昭著者界縣等從公起見不敢緘默擬合剴切披陳會同詳懇 憲慈俯念 國事為重芻蕘匪妄恩賜籌畫萬全仍舊綜理支放庶便遵奉派單動支施行備辦償解者也

康熙十六年六月二十一日移臨黃太寧天  
公詳蒙 府照舊支放在案

詳覆稽察田地並無遺漏詳 康熙十六年七月

鄭錄勲

蒙 本府備奉 巡撫都察院陳 憲牌為  
籌餉期于有濟等事仰縣查照交到該縣用  
心嚴加稽察設法清查併取丈量魚鱗底冊  
細加核對造冊一併送查備有匿漏許其自  
首已前錢根詳免追徵飭取不致扶同侵隱  
印甘各結送府詳報等因到縣蒙此

伏照僊邑積荒田地高者坐居深山窮谷壘石成疇  
低者盡屬沿溪傍澗柵木為坵一經霖雨連綿洪水  
衝激依山者盡為石磷傍澗者俱成砂礫日漸推塞  
永難開墾以致戶富家貧甚且祖父滯遺子孫茫然  
無從追問其阡陌者先是里民苦累包賠戶口逃亡



過半錢糧積欠無徵爰于康熙六年詳蒙前藩司行  
 查勘實轉詳前 撫部院彙入邊海荒棄等事案內  
 題請蠲免除荒徵熟民困獲甦漸次安集輸將稍有起  
 色不虞慘罹冠變百姓逃竄者不免死亡徭從者多  
 膺鋒鏑其有土無人田地連年拋棄皆被石壓水推  
 恢復以來招回殘子非婦子仳倚遠赴求乞尋贖卽  
 蕩析離居結茅茭柞糊口自救尙且不遑又何有多  
 種熟田隱匿不報情弊今奉 憲飭嚴查密察遵行  
 取據見年里書甘結並界縣不扶印結見在申送外  
 其丈量底冊緣十三年被賊淪陷盤踞一切文卷冊  
 籍盡付灰燼片紙無存恢復後屢經詳奉 題報在  
 案無從送核至于僊邑徵糧田地內尙有被寇荒廢  
 見奉 憲行確勘查議并死絕丁口分晰有徵無徵  
 銀米造冊另文詳請 題蠲實無開墾田地扶同匿  
 漏以自干 功令也

詳覆勸墾荒蕪田畝詳 康熙十六年九月 鄭錄勳

蒙 本府轉蒙 布政司備奉 巡撫部院陳 案驗准 戶部咨開前事等因

到府仰縣查照文到該縣卽將開墾荒蕪田 畝可否不動正項錢糧並贖銀兩或令

題 補議叙并鄉紳富民作何捐輸將荒蕪田地 勸墾之處立爲確議妥協具文加看詳府等

因到縣 蒙此



伏照僊邑係彈丸小邑僻處萬山之中爲浙東極瘠之區兩水夾山磊石爲田一經洪水泛溢界限衝決砂礫盈疇年深月久竟莫識其坵段當故明之時荒殘已甚逮至我朝叠遭奇亂奇荒自戊子年來復罹山寇猖獗室焚民竄田野之間非水推砂塞卽畝畝成溪界縣于康熙三年履任目擊心傷據以瀝情上請仰荷

皇恩蠲豁絕丁虛賦多方撫循生聚瘡痍始漸有起色詎期康熙十三年間寇賊蠡起竊踞仙城將及半載城鄉之民被賊勒餉殺傷者不可勝計後雖蒙大兵恢勦平復民之橫死鋒鏑房舍焚燬父子夫妻離散或乞食苟延于他方或募化尋贖于隣省者又不可勝計節經曉示招徠復業寥々迄今城內街衢十室九隕無異坵墟各鄉田土四赤三空多爲草竊僊民顛連至此已極界縣自恢復後非不多方勸墾無如缺乏牛具卽現在成熟之田尙有未盡耕種者本邑向無素封人戶可以捐輸况又經殘破徧皆蕩析至于久荒之土依山者茂鬱成林傍澗者淵深爲澤桑滄已改厥形不特乏開墾之牛種亦併無有四畝之坵段界縣若希圖議叙妄報開墾竟錢糧無從墜



傷居果志 卷二十四  
科是自取欺罔之罪且以貽憂 上臺矣其別地方  
勸墾之處自有主者非界縣所敢擅議也

再覆備陳地方傷慘詳 康熙十六年十月 鄭錄勲

蒙 本府轉蒙 布政司備奉

巡撫都察院陳 案驗准 戶部咨開前事備

到到府仰縣查照即將請免節年未完地丁  
正雜一應錢糧速行加意設法催徵完解以

濟軍需無誤考  
成等因蒙此

伏照軍興旁午需餉正殷僊邑既經恢復界縣自應  
招徠勸墾竭力催科何敢以地方疾苦屢為殘黎請  
命惟是淪陷各縣恢復雖有久暫不同而僊邑界聯  
溫黃金處實為台郡關鎖當未經淪陷之先即于康

熙十三年四月間溫處偽總兵徐尙朝着令偽都司  
李雲統賊萬餘來僊肆行殺掠至六月二十八日圍  
攻僊城幸台協發兵援勦適至界縣率領家丁鄉勇  
內外夾擊危城雖獲保全而四鄉男婦殺掠過半房  
屋燒燬殆盡及至十月間偽總兵朱福等率賊數萬  
三路來攻而界縣與防官奉 各都統及道府公檄  
撤回台郡賊遂踞城四出屠掠男婦悉驅脅入城迨  
康熙十四年二月間大兵恢復僊邑玉石難分人民  
被戮妻子離散嗣後復恢黃岩溫處悉由僊居進發  
屯兵養馬運糧抬炮所餘殘子非死即病且逼隣溫



處賊衆時來侵掠直至康熙十五年八月間大兵進  
閩溫處賊衆退降僊邑始獲稍安故計恢復之日雖  
在黃岩太平之先而究慘傷之苦實自康熙十三年  
四月間始至十五年八月後止荼毒兩載有餘較黃  
太爲尤甚也矧黃太之失陷賊至而卽降賊以爲順  
已不大肆劫掠至于僊邑與賊對壘數月擒其賊首  
殲其賊衆蓋懷恨深而肆害亦深是仙邑之失陷較  
黃太爲尤慘也且黃太之恢復大兵未至而賊已先  
遯百姓卽得相率歸順以保室家若仙居賊衆負固  
對敵及至城復而僊民之被害更有難言者矣是僊  
邑之恢復較黃太爲尤苦也迄今城鄉盡屬坵墟田  
地一望蒿莽所有招徠殘黎或尋妻覓子乞食外郡  
或剪茅搭厰救死不贍死者固不能起白骨而施敲  
比卽生者亦難按圖藉而責輸將界縣非不知軍需  
孔亟考成綦嚴欲設法以催徵第再四思維黠金之  
術實無法之可設倘不再請 題蠲勢必殘黎盡逃  
田地盡荒不惟見在之催徵有名無實而將來之

國賦恐亦盡歸烏有合無詳請俯念極苦殘疆恩賜轉  
詳覆 題倘蒙

皇恩照秦閩二省之例一視同仁則 國計民生均有



攸賴矣

申覆備陳地方荒亂詳

康熙十六年十二月鄭錄勳

蒙 本府備蒙

署理糧儲道按察司張

憲牌前事仰縣查照立將單開康熙十四年分本折月糧銀兩火速徵追全完起批解道投納具報銷結 欽此等因蒙此

遵查僑邑殘破慘傷錢糧萬難徵追案于康熙十四

年四月內瀝陳情形通詳蒙本道府確勘轉詳奉

巡撫都察院陳 憲批僑居傷殘之後哀鴻甫集誠

難遽議追呼但此等恢復各縣其十四年錢糧如實

不能催徵者業准有暫行緩徵之 部文仰道檄行

該縣遵照繳等因隨蒙行知到縣遵奉停徵不違在

案界縣隨于十四年七月十七日奉

**固**山貝子諭令前驅開路鑿山通道導引大兵恢復黃

岩太平又奉 諭隨征探賊修路恢復大荆樂清青

田直抵温州至十五年八月十一日方回任接理縣

事目擊民不聊生又經繪圖泣籲詳蒙 藩憲彙入

備陳地方傷慘等案內鼎詳 部兩院具疏將十四

五年以前未完一應各項銀米漕項錢糧 題請蠲

豁奉 部議以各縣衛所失陷恢復有久暫不同豈

得槩請蠲免仍行令加意設法催徵界縣非不知需

餉正殷欲為設法以催徵但仙邑自康熙十三年四



月接隣溫處金屬逆賊卽羣起向仙勾結土寇徧鄉  
村燔燒劫掠六月間僞賊侵犯縣城界縣同官兵鄉  
勇陣斬賊衆厲進卿等五百餘人活擒賊首李雲後  
賊率衆屢圖報復雖每經撲勦擊敗而各鄉受害已  
甚至十月以賊衆兵寡奉 各都統提鎮道府會檄  
將卑縣與同城文武官兵俱撤回台賊首朱福連必  
中林衝等乃得率衆數萬分踞城鄉搜掠焚燒殺戮  
是失陷之傷慘未有如僊邑之甚者也且逆賊盤踞  
時將所存男婦盡驅裔入城迨大兵恢復玉石無分  
人民多罹鋒刃子女悉行分散是恢復之傷慘未有

如僊邑之甚者也及至恢勦黃岩溫處等處皆由仙  
居進發萬騎雲屯苦難言悉况鑿山開路抬炮擗械  
運糧運餉服役營盤人夫半登鬼籙所存殘孑又苦  
于勞疲死亡是恢復以後之傷慘又未有如仙邑之  
甚者也况僊邑界聯溫處黃岩一帶賊黨餘孽時來  
侵掠直至十五年八月大兵進闔之後溫處賊衆投  
誠而仙邑地方始得稍平此尤難以恢復之久齊與  
他縣同日而論也迄今城市街巷十室九隕無異坵  
墟各鄉田土四赤三空多成藪澤其招回難民非妻  
子化僑遠赴求募尋贖卽屋廬蕩析剪茅搭廠苟延



田地無力耕墾 國課無從輸辦見年錢糧尙苦催  
債不前况康熙十四年一應地丁漕項本折月糧銀  
兩點金之術實係萬難催徵縱官叅吏究終無法之  
可設業奉 兩院會疏復 題合無詳懇恩寬聽候  
部示遵行庶見在子遺得以復甦而將來  
國課亦有歸着矣

申覆備陳小民困苦詳

康熙十七年二月

鄭錄勲

蒙

本府轉蒙

布政司備奉

巡撫都察院陳

憲票前事仰縣查照速將康

熙十六年應完十二年以前地丁銀兩刻日  
照數批差解司投納具文詳報等因到縣蒙

此

遵查僊邑界在溫處婺三府之間當逆賊侵犯台郡  
之要衝故自康熙十三年四月內三府等屬縣失陷  
之後賊即羣起向僊徧山鄉村落肆行焚劫至六月  
終逆賊李雲厲進卿等率亡命萬餘蠡擁圍縣雖經  
昇縣竭力堵禦與援防各弁內外夾擊陣斬厲進卿  
等五百餘人活擒李雲殺賊全城而餘孽四散依險  
負嵎屢圖掩襲百姓胥役被其荼毒驚竄死亡者不  
可勝計當于十三年八月內備將地方傷殘已極情  
形具詳隨奉 總理浙江糧餉部堂達 憲牌據該  
縣詳報率領家丁人等會同汪都司韋千總日夜防



禦殘黎胥役奔逃以致各年地丁兵餉萬難措辦等緣由到本部堂除行布政司查議并康熙十三年以前未完地丁銀兩念此驚鴻未定見在彙疏

題請停徵合行知照等因又蒙 布政使司 憲批該

縣會同汪都司殺敗賊衆堅守孤城具見才畧除

欽部事件已經 題准槩行寬限外其各年錢糧俱

准停徵以卹殘黎繳各到縣遵奉在案時卑縣拮据撫綏會同援防官兵躬先詣鄉窮搜撲勦冀靖根株以保危疆于萬一不期十月間以賊衆兵寡將援防各官兵及界縣俱奉檄調撤回台致逆賊得志率梟

獍數萬分屯盤踞挨家搜糧拷餉城鄉山谷之間無一得免寸絲粒米不留屋廬盡被燔燒田土悉皆荒廢百姓之橫死鋒刃殪斃道塗者又不可勝計雖于十四年二月恢勦而玉石無分屍骸山積父子不相見兄弟妻子離散者更不可勝計一望灰燼瓦礫路絕行踪村斷烟火已成廢縣僅存一二子遺又皆無室無家乏衣乏食呼天愴地哀嗷之聲觸耳惻心界縣爰有泣陳慘傷情形亟賜籲請蠲賑一詳旋于康熙十四年五月內蒙 布政司轉奉 部行爲殘邑甫經恢復等事內開浙省自寇亂以來錢糧催徵不



得查見今恢復義烏等各縣康熙十三年以前未完  
錢糧既稱難以催徵應暫行停徵俟民力稍甦再議  
等因又行知到縣遵奉在案伏照仙邑雖于十四年  
勦恢而一城之外賊氛正熾風鶴頻驚且進勦各處  
大兵往來會集屯札秣馬運糧抬炮開路各難民服  
役營盤日亦不足田地無暇耕墾以枵腹勞傷而登  
鬼錄者抑不知其凡幾迄今賊雖投誠退散嗟此僇  
邑百姓已死者白骨青燐不能再起僅存者草棲露  
宿無以聊生或乞食苟延于他方或募化尋贖于外  
郡招回安集難民十中不及二三卽見徵錢糧內尙  
有寇荒田地殄絕丁口無可催徵充額此所以繪圖  
上陳蒙 藩憲分別極苦次苦力爲殘黎請命將康  
熙十五年以前一切地丁漕項槩祈 恩免業奉  
兩院會疏覆 題見候 部示蠲豁其康熙十二年  
以前并康熙十三四年分未完地丁人戶實皆無可  
追呼自遵照停徵以來並未開比委果萬難徵解初  
非至今日而敢有欺飾以干 功令也

三覆備陳地方傷慘詳

康熙十七年閏三月鄭錄勲

蒙 本府轉蒙

布政司備奉

巡撫都察院陳

憲牌前事仰縣查照案驗內

事理文到該縣卽將康熙十五年以前未完  
錢糧設法催徵全完如果無徵立刻具文通



詳等因  
蒙此

切照康熙十五年以前各年未完地丁漕項驛傳一應正雜錢糧敢不凜遵部行設法催徵以應軍需以全考成惟是糧從土出土藉人耕僭邑自十三年四月逆寇變亂及至十五年八月後始得事平三載之內百姓之死于焚劫死于驚竄死于流離失所殲斃道塗死于陷踞拷掠橫罹鋒刃死于大兵恢勦玉石無分死于服役營盤瘴疫相繼萬傷萬慘繪圖難盡所存一二殘孑又皆屋廬燔毀妻子離散或他方乞食以苟延或外郡募化以尋贖迄今城鄉徧屬坵墟田地鞠爲茂草死者固不能起白骨而施敲比生者亦難望壙野而責輸將卽今見年錢糧畀縣多方勸輸尙且完納寥寥十五年地丁漕項凡有人有土者俱經拮据償比充解其被寇摧殘荒廢田地死絕戶口無可追呼之數及從前各年未完錢糧委果萬難責令見在窮民包賠完納若不覆請

**題**蠲勢必逃者益逃荒者益荒不惟目前催徵有名無實而將來一國課恐亦難問者也合無籲懇軫念仙邑極苦殘疆仍賜補贖題請免舊徵新度寇燹餘生得以存立而無主曠土漸可招墾矣



康熙十七年閏三月二十日通詳奉  
總督部院李 憲批已經會 題矣此繳康熙

十七年六月二十八日 部文到 院行司  
准 戶部咨于本月五月十八日

題覆于五月二十日奉 俞旨將仙邑康熙十  
五年以前未完錢糧全免行知到縣一體欽

遵在 案

申覆定議添設茶引詳 康熙十八年二月 鄭錄勳

蒙 本府轉蒙 布政司備奉 案驗准

總督部院李 巡撫部院陳 戶部咨開該本部題前事內開查鹽斤俱設廠

行引收課鹽茶俱係日用所行不一且收稅  
多寡又相懸殊今值需餉之際將茶餉亦應

照鹽斤產茶省分作何設廠領引增收稅銀  
其江南浙江江西湖廣茶引俱照陝西收稅

之處定議鹽斤之例畫一而稅課得以充裕  
相應請 勅直隸各省督撫務盡心議覆之

日將禁止私茶之處一併再議可也等因奉  
旨依議欽此

茲遵移咨到本部院各案驗到司  
行府查議仰縣查照立將產茶地方凡商人

經由採買之所遵照 部行酌議增稅務照  
鹽斤之例畫一設法領引輸稅至于禁止私

茶之弊逐一妥議具詳并將產茶畝數及茶  
牙姓名儘數造冊即速送府以憑彙看詳報

等因到 縣蒙此

切照今正需餉殷繁之際凡有關於 國計可以仰

佐一籌者敢不竭力殫心第樹藝各隨所宜賦稅必

因其有查得僊邑山頑土確並不產茶其無從設廠

收稅固人匕所共知也至于茶引原與鹽引不同蓋

無鹽則食淡難堪無茶即白湯可啜惟在熙穰饒裕  
地方乃可行銷若僊邑雖承平之時戶不滿萬自明



季以來頻遭奇亂奇荒逃出過半案于康熙六年

**題奉豁除虛丁外止存男婦一萬三千四百一丁口載**

在徵糧易知由單確然可據及康熙十三年慘罹寇

變人民橫死鋒火殘燹道塗與被大兵搶失者又將

十之六七僅存難民村不過三五戶比不過三五人

又皆剪茅露處饘粥苟延計事平迄今將及三載然

凋殘已極尚未完集安生四顧城鄉烟火稀疎已不

成其為縣矣見在加意撫綏招徠不前若更添設茶

引責令輸稅嗟此寇燹孑遺勢且無以堪命不特目

前之權增仍屬有名無實而將來之正賦亦致虛懸

難問矣事當創法伊始合無請乞 **憲臺恩賜鼎詳**

**軫念殘疆極苦地方 題免額外加稅留此一二未**

**逃未死之民以為永遠完餉完糧之地者也**

康熙十八年二月二十七日具詳于三月十五日蒙 布政使司批茶引增稅係茶商事業經照引增定照例行矣與百姓原無涉也







書